



吳詩集覽卷十三上

七言律詩三之上

恭紀

黎城靳榮藩介人輯



聖駕幸南海子遇雪大獵

畿輔通志南海子在外城永定門外物產充物為遊獵之地

地元曰飛放泊明永樂中擴其地本朝因之時命禁旅行圍以肄武事自此以後為梅村

官本朝時詩

君王羽獵近長安龍雀刀鏤七寶鞍立馬山川千騎擁

賜錢父老萬人看原註霜林白鹿開金彈春酒黃羊進

吳詩集覽卷十三上

玉盤不向回中逢大雪無因知道外邊寒近長安三字最佳見非遠

地也三四在大獵以前五六在既獵以後回中與近長安相應○揚子雲有羽獵賦史記司馬相如傳注郭璞曰飛廉龍雀也刀為龍雀大鏤號曰大夏龍雀天寶

遺事唐明皇在蜀以七寶鞍賜張后李泌請分賜將士

杜詩花邊立馬簇金鞍又千騎擁霓旌南史梁武帝紀少長數千人各賚錢二千霜林見送孫令修上

林賦聽白鹿捷狡克季義山詩不收金彈拋林外詩為此春酒黃羊見雪中遇獵玉盤見海戶曲後漢書

郡國志右扶風有回城名曰回中一統志回中宮在鳳翔府隴州西北百四十里漢武帝瓠子歌不封禪兮

安知外吳子華詩無人知道外邊寒

陸雲士曰旨原夏諺調合唐音有諷有規最為得體教忠堂評頌揚中不失箴規此惟唐人有之

聞撤織造志喜

江南通志蘇州織造始於順治三年兼督蘇杭至十三年歸併一局

遂止管蘇州織造事務字瞻
喜雨亭記亭以兩名志喜也

春日柔桑士女歌東南杼軸待如何千金織綺花成市

萬歲迴文月滿梭 恩詔只今憐赤子貢船從此罷黃

河尚方玉帛年來盛早見西川濯錦多前半首是織造後半首是撒字

末二句頌中有規詩家得身分處○詩爰求柔桑又小東大東杼軸其空嘉禾張准赤詩杼軸東南民力盡

織綺見織婦詞■韋端已詩花市香飄漠漠風程迓亭曰陳悰天啟宮詞註新花樣有卅字回文取萬歲

意鄴中記織錦署在中尚方文選蜀都賦注譙周益州志云成都織錦既成濯於江水其文分明勝於初

成他水濯之不如江水也

上駐驛南苑閱武行蒐禮召廷臣恭視賜宴行宮賦五

吳詩集覽 卷十三上 二

七言律詩五七言絕句每體一首應 制左傳隱五年春

蒐穀梁傳春日田秋曰蒐高澹人扈從西巡日錄南海子春蒐冬狩巡幸以講武事也

露臺吹角九天間射獵黃山散馬羣練甲曉懸千鏡日

翠旗晴轉一鞭雲奇鷹出架瑀弓動集作雕非新兎登盤玉

饌分最是小臣慚獻賦屬車叨奉羽林軍仿初唐應制諸作三四工

鍊○王詩漢主離宮接露臺吹角見松山哀漢書郊祀志注九天者謂中央鈞天東方蒼天東北昊天北方元

天西北幽天西方皓天西南朱天南方炎天東南陽天也賈誼論時政疏夫射獵之娛黃山見海巨曲韓

非子秦得韓之都而驅其練甲史記李斯傳建翠鳳之旗一鞭見臨淮老妓行奇鷹見雪中遇獵唐太宗

詩瑀弓寫明月陸務觀詩迎霜新兎美玉饌見瞻殘漢書揚雄傳從上甘泉還奏甘泉賦以諷屬車見

讀佛詩注羽
林見雒陽行

送無錫堵伊令之官歷城

一統志無錫縣在常州府東南九十里又濟南府歷城縣附郭常州府志順治丁亥進士堵廷棻無錫人歷城知縣

攬轡朱輪起壯圖遺民喜得管夷吾城荒尸少三男子

名重人看五大夫畫就烟雲連泰岱詩成書札滿江湖

茶經水傳平生事第二泉如酌突無

三四工妙以從歷城生情也結有別

趣以其兼點無錫也○後漢書范滂傳登車攬轡慨然

有澄清天下之志戰國策乘朱輪華駟驅燕趙郊杜

詩曹公屈壯圖晉書溫嶠傳及見王導共談歡然曰

江左有管夷吾吾復何慮城荒見曉寒吟眺史記蘇

秦傳臨淄之中七萬戶臣竊度之不下戶三男子三

國志呂布傳元龍名重天下許觀東齋記事五大夫蓋

吳詩集覽卷十三上

秦爵之第九級如曹參賜爵七大夫遷為五大夫是也

按此兼用秦皇封松事詳松化石杜詩浮雲連海岱

鳧詩遺我一書札茶經水傳見壽陸孟

第二泉詳惠山二泉亭酌突見酌突泉

元夕

諸王花萼奉宸游清路千門照夜驩長信玉杯簪戴勝

昭陽銀燭擘篋傳柑曲裏啼鶯到爆竹光中戰馬收

前半首極寫元夕之盛五六平轉結

却憶征南人望月金閨燈火別離愁

之盛五六平轉結

句藹然仁人之言望月燈火不脫題面○明皇十七事
上性友愛及卽位立樓於宮之西南垣署曰華萼相輝
王詩不是宸遊玩物華司馬相如傳且夫清道而後
行中路而後馳史記孝武紀作建章宮廣為千門萬戶
明皇雜錄上所乘馬有玉花驄照夜白漢書百官表
長信少府以太后所居宮為名也又文帝紀十六年秋

九月得玉杯刻日人主延壽山海經崑崙之邱有人戴勝名曰西王母昭陽見讚佛詩顧希馮舞影賦列銀燭兮蘭房宋書樂志空侯初名坎侯漢武帝祠太一后土用樂令樂人侯暉依琴作坎侯言其坎坎應節奏也侯者因工人姓爾後言空訛也蘇詩歸來一盞殘燈在猶有傳柑遺細君注待飲樓上則貴戚爭以黃柑遺近臣謂之傳柑聽携以歸蓋故事也韋應物詩啼鶯相喚亦可聽荆楚歲時記正月一日雞鳴而起先於庭前爆竹以辟山獺惡鬼戰馬見雁門尚書行征南見贈雪航補注季詩卷惟望月空長嘆按謝元暉詩既通金閨籍文通別賦金閨之諸彥皆指金馬門也自唐以後始借用為閨閣字王少伯詩無那金閨萬里愁

讀魏石生懷古詩

畿輔通志魏裔介字石生柏鄉人順治丙戌進士歷官吏部尚書大學士魏石生兼濟堂年譜補工科給事又補吏科陞兵部擢憲副按詩中有章諫議語當在石生為給諫時作也

吳詩集覽 卷十三 上

長安雪後客心孤畫省論文折簡呼家近叢臺推意氣

山開全趙見平蕪憂時危論書千卷懷古高歌酒百壺

自是漢廷直諫議蕭王陌上賦東都從讀字起三四石生邑里五六懷古

詩也結到諫議用意周到然皆一氣貫注不同泛砌○皇甫茂政詩長安雪後見歸鴻心孤見蓉清湖畫省見弔衛紫岫折簡見寄當事諸老季義山詩家近紉藻曲水濱叢臺見永和宮詞盧允言詩春日衆山開高達水詩全趙對平蕪漢書息夫躬傳躬待詔數危言高論懷古見讀鄭世子傳補注清酒百壺史記田叔傳漢廷臣無能出其右者唐書蕭鈞傳永徽中累遷諫議大夫帝曰直諫議也後漢書光武帝紀更始二年五月遣侍御史持節立光武為蕭王建武元年光武命有司設壇場於鄗南千秋亭王成陌注其地在今趙州柏鄉縣一統志鄗縣故城在柏鄉縣北俗名王莽城班孟堅有東都賦

魏石生和韻
載兼濟堂集

送永城吳令之任

〔統志〕永城縣在歸德府東南一百八十里高仲借曰河南通

志永城知縣吳燭江南宜與入貢士順治十一年任

春風驛樹早聞鶯馬過梁園候吏迎山縣尹來三月雨

人家兵後十年畊鴉啼粉堞河依岸草沒旗亭路入城

曾見官軍收賊壘時清今已重儒生

三四名雋餘亦雅令○〔杜詩驛樹出

城來

梁園見東臯歌後漢書王霸傳候吏果妄語也〔杜詩山縣早休市虞伯生詩一徑綠陰三月雨〕禮

九年畊必有三年之食孩詩意蓋兼用左傳哀九年越

十年生聚十年教訓語秦少游詩落紅滿地乳鴉啼

梁簡文帝詩平江含粉堞

〔統志〕舊黃河在歸德府境者有三一在商邱縣北三十里合賈魯河沁河諸水流

吳詩集覽 卷十三上

五

入虞城縣北又流入夏邑縣北又流入永城縣東入碭

山界又小黃河在永城縣北二十里上承白河自夏邑

縣流入又東入江南宿州界達淮草沒見夜宿阜昌

褚先生三代世表臣為郎時與方士考功會旗亭下注

旗亭市樓也杜有喜聞官軍已臨賊境詩清時見

贈馮訥生更記叔孫通傳諸弟子儒生隨臣久矣劉文

房詩青袍今已誤儒生

送安慶朱司李之任

〔大清一統志〕安慶府在安徽布政使司西南六百十

五里管子卓陶為李字典司理刑官亦稱司李袁子才曰此為夏朔朱子作夏朔名建寅崇禎

癸酉舉于南京與歷陽合肥同年十年同榜應指此

到官春水畫橈輕天柱峯高卽郡城百里殘黎半商賈

十年同榜盡公卿雞豚塢壁山中稅鼓角帆檣江上兵

亂後莫言無吏治此方朱邑最知名

結句最佳○范德機詩泝盡夷江未

到官別賦春水綠波儲光義詩為惜鴛鴦鳥輕輕動畫

棹一統志皖山在安慶府潛山縣西北寰宇記潛山

在懷寧縣西北二十里高三千七百丈周二百五十里

山有三峯一曰天柱司元之天 同榜見過姜給事 後

第十四洞名天柱司元之天 漢書樊準傳修理塢壁盛名大行 又公孫瓚傳鼓角

鳴于地中帆檣見海濫 史記酷吏傳序吏治蒸蒸不

至于姦 漢書朱邑傳字仲鄉廬江舒人少時為舒桐

鄉嗇夫廉平不苛遷北海太守以治行第一入為大司農

按邑傳我故為桐鄉吏其民愛我必葬我桐鄉云云

一統志朱邑墓在安慶府桐城縣西二十里寰宇記

朱邑祠堂在桐城縣蓋桐城為春秋時桐國漢置縱

陽縣今浙江嘉興府桐鄉縣本漢由拳縣邑傳所云

乃安慶之桐鄉非浙之桐鄉 也梅村蓋合其地與姓用之

吳詩集覽

卷十三

六

送彥遠南還河渚

匹馬春風返故林松杉書屋晝陰陰猿愁客倦晨投果

鶴喜人歸夜聽琴我有田廬難共隱君今朋友獨何心

還家早便更名姓只恐青山尚未深

此與五古題河渚圖同時作猿鳥不

我與梅村曾以自咏三四蓋翻用其意結句從五六翻

進一層是自悲語非相嘲語也細觀自見○李詩落花

辭條羞故林 松杉見後東臯歌書屋見題志衍畫花

詩陰陰夏木轉黃鸝 晉書潘岳傳投之以果遂滿車

而歸皮囊美詩野猿偷果重窺戶 王仲謀詩夜鶴聽

琴依蕙帳 田廬見啁周子似 何心見廢藥 更名

姓見避亂 退之上宰相 書彼惟恐入山之不深

五言登高見遠廟頽垣竄鼯鼠悲歌因臥病歸心入 春雨則彥遠蓋逸民之流睹前代陵墓而歸老者而

此詩又以入山未深危之想見道義相勗處然彥遠終老湖上而梅村竟有入山未深之悔人之遇合亦道哉

江上

盧允言詩更堪江上鼓聲聲杭州府志順治十六年海寇犯京口王師勦海遂營於

江精華錄訓纂順治十六年六月海寇鄭成功陷鎮江知府戴可進等六員副將高謙等十四

員皆失身從逆鎮江在籍指紳吏部郎中張九徵御史竺重光當可進定謀迎賊時慟哭力爭

不得及城破乃遜張如哉曰順治十四年梅村已歸里矣此詩編次在京時與十六年鄭寇陷

鎮江不合蓋海賊屢犯鎮江至己亥鎮江乃陷耳此當是順治十三年總督耶廷佐捍寇時作

否則編次之誤也

鐵馬新林戰鼓休十年軍府笑諮謀但虞莊躡爭南郡

吳詩集覽

卷十三

七

不信孫恩到蔡洲

集作州非

江過濡須誰築壘潮通滬瀆總

安流

原甚滬瀆在今上海

蘆花一夜西風起兩點金焦萬里愁

此首

與七夕感事詞意相似○季襲吉論梁書金戈鐵馬蹂踐於明時新林見讀史雜感戰鼓見斬王墓軍府見

彈琴歌詩周爰咨謀張如哉曰宋書百官志晉元帝為鎮東大將軍及丞相其參軍則有諮議參軍晉江左初

置因軍諮祭酒也莊躡見吳志衍更記秦本紀秦昭襄王二十九年大良造白起攻楚取郢為南郡括地志

郢城在荊州江陵縣東北孫恩見白洋河廣輿記蔡洲在江寧府西江中劉宋高祖破盧循處吳志建安

十六年權取秣陵為建業聞曹公將來侵作濡須塢一統志濡須塢在廬州府無為州東北五十里又滬瀆

在松江府上海縣東北松江下流也晉書孫恩傳袁山松築扈瀆壘沿海備恩明年恩轉寇扈瀆害袁山松仍

浮海向京口陷廣陵復沿海還南劉裕亦尋海要截復大破恩于扈瀆楚辭使江水兮安流蘆花見送杜敬

武明史五行志一朝西風起
金
雋見贈蒼雪萬里愁見圓風曲

送顧禱來典試東粵

梅村顧母施太恭人壽序吏部考功耶顧君禱來天下精

疆開濟駿雄濶達之君子也舉進士年才二十餘起家廷評銜天子之命以取士於嶺表

五管號稱得人蘇州府志吳縣顧贇禱來順治六年己丑進士

客路梅花嶺外飄江山才調屬車招石成文字兵須定

珠出風雷瘴自消使者干旌開五管諸生禮樂化三苗

憑君寄語征南將誰勒炎天銅柱標

句句切典試東粵結更所見者大所

謂高處立濶處行也張如哉曰按由榔于丙戌稱監國以肇慶府署為行宮庚寅奔梧州丙申遷雲南巴亥

入緬甸征南當指征由榔時又曰杜詩雲山兼五嶺風壤帶三苗五六句本此○甯康記瘴嶺亦曰梅嶺見嘆

吳詩集覽 卷十三 上

八

王子彥隋書許善心傳才調極高屬車見南苑應制

張如哉曰吳處厚青箱雜記廣南劉夔初開國營構

宮室得石識有古象十六其文人人有一山山值牛兔

絲吞骨蓋海承劉解者曰人人有一大人也山山出也

吞骨者龔建漢國歲在丑也兔絲者龔龔位歲在卯也

承劉者言受劉氏降也按吳志孫皓天璽元年歷陽山

石文理成字唐書五行志貞觀十七年涼州昌松縣有

石青質白文成字太宗遣使祭之曰天有成命表瑞貞

石文字昭然歷數惟承而此詩用劉夔為切後漢書孟嘗傳遷合浦太守郡不產穀實而海出珠寶與交漸

比境先時宰守并多貪穢詭人採求不知紀極珠遂漸徙於交阻郡界嘗到官革易前敝求民利病曾未踰歲

去珠復還一統志番家自云海中珠池若城郭然其中光怪不可嚮邇常有怪物護持按石成句言奇文欣賞

珠映合時事也珠出風雷即怪物護持意詩天子干旌舊唐書地理志嶺南道五管廣州中都督府桂州下

都督府邕州下都督府容州下都督府安南都督府
諸生見題凌烟圖書分北三苗零參詩憑君傳語報
平安後漢書岑彭傳遷征南大將軍孔文舉詩赫赫
炎天路居易錄馬伏波銅柱一在憑祥州思明府南界
一在欽州分茅嶺交趾東界又於林邑北岸立三銅柱
爲海界林邑南立五銅柱爲山界杜詩迴首扶桑銅柱
標

書三危旣宅三苗丕叙水經三危山在敦煌縣南一
統志三危山在安西廳沙州衛東南按安西隸甘肅
而此詩用之于東粵者史記吳起傳三苗氏左洞庭
右彭蠡一統志湖南岳州府古爲三苗國地秦爲長
沙郡通典長沙衡陽皆古三苗國湖南與廣東接壤
故梅村用之耳三苗丕叙在竄三苗於三危之後非
三苗之舊居也

送李書雲蔡闓培典試西川揚州府志李宗孔字
書雲江都人順治丁

吳詩集覽 卷十三 上 九

亥進士由部郎授御史改給事中晉
大理少卿程迓亭曰蔡闓培名瓊枝

柳陌征衫錦帶鉤 詔書西去馬卿游棧縈秦嶺千盤

細水落巴江萬里流兵火才人羈旅合山川奇字亂離

搜莫愁沃野猶難問取得揚雄勝益州首句是送字次
句典試西川三

四是有高瞻遐矚之象與前首同妙○盧昇之詩寒辭楊

柳陌李平甫詩征衫八月風鮑詩錦帶佩吳鉤 第二

句見送志行入蜀李詩芳樹籠秦棧一統志秦嶺在

咸寧藍田二縣南蘇詩蜀道走千盤杜詩水落魚龍
夜一統志巴江源出陝西南鄭縣南之大巴嶺南流入

四川保寧府界左太冲詩濯足萬里流 兵火見遇南
廂園叟羈旅見二十五日詩 奇字見行路難三國
志諸葛亮傳益州沃野千里 漢書揚雄傳字子雲蜀
郡成都人也益州見巫峽晉書習鑿齒傳晉氏平吳利

在二陸按第八句用其意

簪雲樓雜記蜀試始辛卯主司駐保寧時士子二百餘適有亭溪之警當路亟欲竣事二三塲并日而就解額七十二人按順治八年梅村尚未入都即注鈍翁郝公墓誌所謂監省試於保寧者也此首在梅村官本朝時當為順治十一年甲午時全蜀尚有未靖而劉文秀等大亂之後應試者不皆土著之人後四句可謂語妙

送山東耿中丞青藜

中丞見東臯草堂歌山東通志巡撫都御史耿焯奉天人

順治十一年由本布政使陞任

三經持節領諸侯好時家風指顧收岱頂磨崖看出日

海邊吹角對清秋幕中壯士爭超距稷下高賢共唱酬

吳詩集覽

卷十三

十

北道主人東郡守丹青剖策本營邱

多從山東着筆○杜詩主恩前後三

持節漢書王嘉傳今之郡守重於古諸侯後漢書耿弇傳建武二年更封好時侯家風見送杜崱武東都賦

指顧倏忽杜望岳詩岱宗夫如何又會當凌絕頂磨崖見哭志衍看日出詳東萊行

自登州以南皆岫大海自萊州以東則曰渤海吹角見松山哀清秋見贈家侍御

壯士見雁門尚書行新序楚邱先生年七十見孟嘗君將使我投石而超距乎臣已老矣使吾止出辭以當諸侯吾始壯也

稷下見送施愚山淮南子高賢稱譽曰李有中詩詩惟互唱酬後漢書耿弇傳光武指弇曰是我北道主人也漢書地理志東郡秦置縣二十

張如哉曰丹青謂圖畫于雲臺也釋名策書教令于上所驅策于下也營邱見送

詹司理

送友人之淮安管餉

一統志淮安府在江蘇布政使司西北七百五十里

高牙鼓角雁飛天佑舶千帆落照懸使者自徵滄海粟

將軍輒費水衡錢中原河患魚龍窟江左官租稞稻年

聞道故鄉烽火急淮南幾日下樓船通首切定管餉結句點明淮安○潘

安仁詩高牙乃建鼓角見送朱司李周美成汴都賦

官艘賈舶千帆見送遠圖梁簡文帝詩落照度空窓

赤壁賦渺滄海之一粟西漢書宣帝紀以水衡錢為平

陵徙民起第宅注水衡天子私藏中原河患詳卽事

第五首註魚龍見送志衍入蜀江左見揚州韓詩官

租日輸納蜀都賦稞稻漢漢故鄉見贈吳雪航烽火

見閬州行淮南見過淮陰有感樓船見葦山兒

日暮送隴右道吳贊皇之任甘肅通志隴右道吳臣輔

直隸蠡縣人順治十二年

吳詩集覽卷十三上

笳鼓千人度隴頭使君斜控紫驂騮城高赤坂魚鹽塞

日落黃河鳥鼠秋移檄北庭收屬國閱兵西海取封侯

請傾百斛葡萄酒玉笛關山緩帶游通首切定隴右控

樂府使君從南來五馬立御齒采子詩傳止馬曰控紫

駟見馬草行一統志慶山在漢中府城固縣北三十

五里峯頂有烽墩遺址西南三里中有赤土坡其土色赭

周圍十五里亦名赤坂又于榆林府引漢書地理志上

郡龜茲縣有鹽官延緩志有碎金驛馬湖峪鹽在魚河

堡其鹽以人力煎熬而成又大鹽池在衛西接寧夏界

又有長鹽池紅鹽池西紅鹽池銅底池狗池一統志

黃河自西番經歸德所北又東經河州又東經蘭州北

至金縣又北入鞏昌府靖遠縣界鳥鼠山在渭源縣西

社詩山空鳥鼠秋史記南越傳尉佗移檄告橫浦陽

山隍雜闕自立為南越武王程詩月過北庭寒漢書宣

帝紀置金城屬國以處降羌閩兵見送李秀州志青海北至肅州安西鎮王莽時始置西海郡隋大業五年置西海河源等郡更記衛將軍傳官至封侯百斛見葡萄葡萄酒見行路難王少伯詩更吹羌笛關山月緩帶見送何省齋

宋玉叔道上見除目吳贊皇擢莊浪副憲吳由鞏昌守道調璽書飛下古涼州旌節還爲出塞遊見說使星如弱水一生只解向西流

恭遇

聖節次安邱劉相國韻

一統志安邱縣在青州府城東南一百六十里山東通志崇禎

元年戊辰科進士劉正宗安邱人大學士安邱曹良夢弼曰正宗字憲石順治間大學士

興慶樓前捧玉觴金張岐薛儼分行龍生大漠雲方起

吳詩集覽 卷十三上

七

河出崑崙日正長節過放燈開禁苑春將射柳幸平陽

燕公上壽

天顏喜親定甘泉賜宴章

似唐人應制詩三四比賦更工

○一統志興慶宮在西安府咸寧縣東南唐南內也東都賦列金鬪班玉觴金張見行路難元詩百官隊仗

避岐薛狂詩雲髻儼分行王詩大漠孤烟直易雲從龍漢書張騫傳贊禹本紀言河出崑崙崑崙崙崙高二千

五百里餘日月相避隱爲光明也潛夫論化國之日舒以長宋史禮志政和三年正月詔放燈五日禁苑見

退谷歌金史禮志金因遼舊俗以重五日行射柳擊毬之戲更記外戚世家王太后長女號曰平陽公主武

帝被霸上還過主河南府志張說字道濟洛陽人封燕國公更記封禪書天子從封禪還坐明堂羣臣更上

壽狂詩天顏有喜近臣知甘泉見送何省齋北史韋師傳於卧內賜宴授唐人多侍宴應制詩

朝日壇

次韻

畿輔通志朝日壇在朝陽門外西向每年春分祭遇甲丙戊庚壬年

親

祭餘年遣
大臣攝祭

曉日瞳矓萬象鋪六龍銜燭下平蕪石壇燿火燔元牡

露掌華漿飲渴鳥不夜城傳宣夜漏王宮朝奉竹宮符

卽今東汜西崑處盡入銅壺倒景殊詩與題稱藻不妄
扞○楊大年詩初

日瞳矓艷屋梁萬象見卷清湖注易時乘六龍以御
天山海經天不足西北無陰陽故有龍銜燭以照天平

蕪見西田詩其三漢書郊祀志石壇仙人祠瘞鸞路
驛駒寓龍馬按封禪書通權火索隱櫛如字一音耀周

禮有司權燿火官庚詩露掌定高雲杜詩味如甘露
漿後漢書張讓傳作翻車渴鳥用灑南北郊路以省百

姓灑道之費注渴鳥為曲筒以氣飲水上也齊地記
古有日夜出見於東萊故萊子立此城以不夜為名晉

擊壺氏世至擊壺水以為漏禮記王宮祭日也注祭
書天文志古之談天者三家蔡邕言宣夜無師法周禮

吳詩集覽 卷十三上

三

日壇曰王宮竹宮見東萊行天問出自暘谷次于濛
汜陸士龍詩聲播東汜響溢南雲王無功詩心疑遊北

極望似陟西崑銅壺
見觀象臺倒景見海市

李退菴侍御奉使湖南從兵間探衡山洞壑諸勝

歸省還吳詩以送之周櫟園結隣集李敬字聖一
一字退菴江南江寧人舊說

聖一江南六合人順治丁亥進士官刑部侍郎
按一統志聖一六合人授行人擢御史出按湖

廣請免租稅改折黃絹犒師此云侍御奉使湖
南蓋正當以御史按湖廣之時而身至行間犒

師故云從兵間探勝也梅村以為吳洞庭人者
以別於湖南之洞庭而非以為吳縣人至六合

縣領於江寧府故櫟園舉其府舊說舉其縣耳
兵問見青門曲一統志衡山在衡州府衡山

班固傳超洞壑越峻崖

一官之楚復遊燕歸去還乘笠澤船戎馬千山尋洞壑

鶯花三月羨神仙路穿江底聞雞犬家在湖中接水天

原注待御吾吳洞庭人也不似少陵長作客祝融峯下住年年首句自湖

南復命次句還吳三四兵間探勝五六還吳結句

對照妙有別趣○一官見吳志衍陳伯玉詩游楚復游

燕笠澤船見送何省齋戎馬見題志衍畫千山見

雁門尚書行邱希範與陳伯之書暮春三月江南草

長雜花生樹羣鶯亂飛張道濟洞庭詩聞道神仙不可

接心隨湖水共悠悠路穿江底見林屋洞接第五句

指穿山第六句指太湖并已見少陵見贈杜退之杜

詩湖南為客動經春又南為祝融客一統志祝融峯

在衡山縣西北距嶽廟三十里乃七十二

二峯最高者乘鵬詩為言憔悴過年年

退菴讀水經注懷洞庭詩坐倚巴邱俯洞庭君山一

十二峯青不聞修竹來仙吹但有孤鴻送客舸欲辨

吳詩集覽

卷十三上

古

水天惟北斗若當風雨卽南溟舊游浩渺如春夢兀
看酈元注水經王叔子和詩相思何處折芳馨望斷
黃陵舊日亭秋水依稀聞落葉楚天髣髴見揚舸洲
邊子成三春綠樓外君山一帶青太息雲中君在否
不堪重問道元經王貽上和詩楚望經時入窅冥岳
陽樓上數峯青曾臨南極浮湘浦坐對西風憶洞庭
班竹想從春後長落梅猶向笛中聽新詩吟罷愁多
少腸斷當年帝子靈汪茗文和詩曾持使節遠揚舸
落木層波共杳冥澤畔有人哀郢客雲中何處降湘
靈雨過斑竹千叢綠潮落芳蘭兩岸青回首舊游今
阻絕不堪寂
莫對遺經

得蒲州道嚴方公信却寄蒲州道嚴方公并已見

西風對酒夢魂勞聞道蒲津着錦袍山遶塞垣長坂峻
河分天地斷崖高登樓楚客看雲樹隔岸秦人拜節旄

回首舊游飛雁遠書來嚴助問枚臯起結得信却寄中四切蒲州說嚴助

指方公枚臯自北也○劉希夷詩夢魂何翩翩一統

志蒲津關在永濟縣黃河西岸銅袍見贈馮總戎一統

空文明詩烟蕪滿洞青山繞晉書石勒載記東至於河北至於塞垣史記司馬相如傳登陂陀之長坂兮一統

志蒲坂故城在蒲州府城東南司空文明詩河分關

勢斷陸魯望詩蒼翠無言空斷崖我方公孝感人而

王仲宣所登樓在荊州故以楚客為喻王元禮詩結廬

同楚客杜詩鄂渚分雲樹釋處默詩隔岸越山多節

旄見雜感左傳僖三十三年及諸河則在舟中矣釋左

驂以公命贈孟明孟明稽首曰三年將拜君賜我一統

志蒲州府西至陝西同州府朝邑界五里南至陝西華

州潼關縣界六十里春秋文十二年晉人秦人戰于河

曲杜預注在河東蒲坂縣南第六句即拜賜事而變化

用之疑有鬼工舊游見虎邱夜集圖宋延清詩陽月

南飛雁傳聞自此回漢書嚴助傳會稽吳

人又枚乘傳臯亡至長安自陳枚叔之子

吳詩集覽 卷十三 上

五

送趙友沂下第南歸

友沂詳哭友沂後漢書獻帝紀試儒生四十餘人上第賜

位郎中次太子舍人下第者罷之按南歸歸揚州府

秋風匹馬試登臨此日能無感慨心趙氏只應完白璧

燕臺今已重黃金鄉關兵火傷王祭京國才名識杜欽

最是淮南遇搖落相思千里暮雲深首句赴試次句下三四就下第說

點染有情五六比也漸引南歸意結句點出南歸○杜

詩匹馬逐秋風劉公幹詩感慨以長嘆更記蘭相

如傳臣願奉璧往使城入趙而璧留秦城不入臣請完

璧歸趙黃金臺見夜宿阜昌霍顯詩日暮鄉關何

處是三國志王祭傳字仲宣山陽高平人也鮑詩君

王遲京國漢書杜延年傳子緩嗣緩六弟惟中弟欽官

不至而最知名一統志揚州府表唐至德初兼置淮

南節度搖落見讚佛詩黃魯直詩相思千里夕陽殘

懷王奉常烟客

把君詩卷問南鴻
憔悴看成六十翁
老去祇應添鬢雪
愁來那得愈頭風
田園蕪沒支筇懶
書畫蕭條隱几空

猶喜梅花開遶屋
臘醉初熟草堂中

因得詩而有懷情詞並美髯雪頭風

工對○把君詩卷見別丁飛濤馬虞臣詩霜霰逐南鴻

杜詩老去悲秋強自寬又衰髯千莖雪 三國志注

典畧曰陳琳作諸書及檄草成呈太祖太祖先苦頭風

是日疾發讀琳所作翕然而起

曰此愈我疾 支筇見虎邱夜集圖 遶屋見磬清湖

陸務觀詩臘醉初見拆泥封

送友人從軍閩中

從軍見行路難更記東越傳秦以其地為閩中郡

客中書劍愴離羣
貴酒新豐一送君
絕嶠烽烟看草檄

吳詩集覽卷十三上

六

高齋風雨記論文中宵清角猿啼月百道飛泉馬入雲

詔諭諸侯同伐越可知勞苦有終軍

起二句點明送字三句從軍閩

中四句追寫京師用一記字便成活句五六從軍道中

所聞所見結句切定閩中命意最佳○書劍見弔衛紫

岫離群見送繼起和尚 貴酒見海戶曲子山春賦入

新豐而酒美一統志新豐故城在西安府臨潼縣東北

拔梅村在京送人故借用 爾雅釋山山銳而高曰嶠

烽烟見官扇李詩君草陳琳檄 高齋見汲古閣歌

中宵見支硎山齋聽雨後漢書劉昆傳能彈雅琴知清

角之操 郎君胄詩猿窺夜月啼 蘇詩但見兩崖蒼蒼

暗絕谷中有百道飛來泉李詩雲傍馬頭生 更記韓

長孺傳閩越東越相攻安國及大行王恢將兵未至越

越殺其王降 勞苦見投贈馬公漢書終軍傳字子雲

濟南人擢諫議大夫遣使南越說其王令入朝軍自請

願受長纓必羈南越王而致之闕下

平生不識李輕車被 詔揮鞭白鼻騮 簫鼓濟江催落

木旌旗衝雪冷梅花胡床對客招虞寄羽扇麾軍逐呂

嘉自是風流新制府王孫何事苦思家 此首就所從之

宣所謂從軍有苦樂但問所從誰也揮鞭王孫俱指友人說○漢書李廣傳從弟李蔡武帝元朔中為輕車將軍鮑詩始從張校尉後逐李輕車 揮鞭見讚佛詩李

詩銀鞍白鼻騮 簫鼓見圓圓曲杜詩濟江元自濶

馬虞臣詩馬頭衝雪度臨洮 胡床見楚兩生行南史

虞寄傳字次安會稽餘姚人也陳寶應據有閩中得寄甚喜及寶應潛有逆謀寄微知其意每陳逆順之理寶

應既擒唯寄以先識免禍除東中郎建安王諮議加昭戎將軍 晉書顧榮傳廣陵相陳敏反榮麾以羽扇其

衆潰散晉書地理志漢武帝元鼎六年討平呂嘉以其

吳詩集覽 卷十三 上 七

地為南海蒼梧鬱林合浦日南九真交趾七郡 制府見壽申青門 楚辭王孫遊兮不歸春草生兮萋萋思

家見訪 霍魯齋 張如哉曰五六皆一句中兩使事胡床對客暗用庾

亮事而招虞寄則明用事切閩中羽扇揮軍暗用顧榮事而逐呂嘉則明用事切閩中又五句以虞寄比

友人六句則以顧榮比友人對法參差變化 鈕玉樵送湯素公從軍閩中吳鈞雙帶錦裘新佐府才名

動八閩路入故園仍作客身緣薄宦尚依人紅亭蒜嶺携尊夕翠幄榕城奏角晨絕勝

儒生披短褐悠悠書篋老風塵 紀事 漢書藝文志右史記事 史記索隱紀者記也

鄴杜山南起直廬從禽載筆有相如秋風講武臨熊館

乙夜橫經勝石渠七萃車徒堪討習百家圖史可佃漁

上林獸簿何曾問叩馬無煩諫獵書此因從獵而絕事

也末句從岑參聖朝無闕事白覺諫書稀化出與起二句相應○鄂杜見退谷歌直廬見汲古閣歌易即鹿

無虞以從禽也禮史載筆士載言漢書揚雄傳先是蜀

有司馬相如作賦甚麗禮乃命將帥講武習射御漢

書揚雄傳注師古曰長楊宮名也在整屋縣其中有射

熊館漢舊儀畫漏盡夜漏起省中黃門持五夜五夜

者甲夜乙夜丙夜丁夜戊夜陳書周宏正傳橫經請益

有師資之敬焉石渠見凌烟圖穆天子傳七萃之士

生捕虎天子蓄之周禮天司馬中冬教大閱乃陳車徒

如戰之制天史公自序整齊百家言語唐書楊綰傳

左右圖史易作結繩而為網罟以佃以漁蓋取諸離唐

書張鎬傳視經史猶漁獵史記張釋之傳上問上林

尉諸禽獸簿又司馬相如傳常從上至長楊

獵上疏諫之杜詩袖中諫獵書叩馬久上陳

吳詩集覽 卷十三 上

六

送汪均萬南歸

我唐詩正叅訂姓氏汪希汲字均萬蘇州府人

扁舟春草五湖寬歸去餘醪架未殘撥刺錦鱗初上筋

團枝珠寶已堆盤瘦瓢量水僧燒筍拳石分泥客買蘭

四月山塘風景好知君端不憶長安

大致與送胡彥遠相似○群芳譜餘

醪籐身灌生青莖多刺盤作高架二三月間爛熳可觀

本名茶蘼一種色黃似酒故加酉字溫飛卿詩金鱗

撥刺跳晴空李詩漢口雙魚白錦鱗陳唐卿詩海鮮常

入筍楊誠齋詩青子團枝失紅簇北戶錄舌度樹

實從木皮中出如綴珠寶大如櫻桃紅即可食宋子攢

椰詩雞心磊落看堆盤高季迪詩酒滿長生瘦木瓢

黃魯直詩煨筍充盤春竹林羣芳譜養蘭於梅雨後

取溝內肥泥曝乾羅細備用陸務觀詩陰陰簾幕燕分

壽座師李太虛先生

是江南好風景又未解憶長安

放懷天地總浮鷗客裏風光爛熳收一斗濁醪還太白

二分明月屬揚州錦箏士女觴飛夜鐵笛關山劍舞秋

猶有壯心消未得欲從何處訪丹邱三四點染最工以太虛時在揚州也

結句暗寓壽字○温飛卿詩自欲放懷猶未得杜詩飄飄何所似天地一沙鷗陸務觀詩烟波萬里一浮鷗

元裕之詩風光爛熳借歡席杜詩李白斗酒詩百篇濁醪見碧清湖杜牧之詩明月滿揚州徐凝詩天下

三分明月夜二分無類是揚州梅村李太虛壽序歐陽下居類上先生亦倚寓維揚楊廉夫詩十二飛鴻上

錦箏觴飛見癸巳袂飲鐵笛見避亂杜詩三年笛裏關山月劍舞見贈馮訥生注曹孟德樂府壯心不已

藝苑卮言楊用修在滇攜妓縱飲有規之者用修答書云聊以耗壯心遣餘年耳丹邱見海市

吳詩集覽 卷十三上 九

好客從無二項田勝游隨地記平泉解衣白日消碁局

岸幘青山入釣船故國風塵驚晚歲天涯歌舞惜流年

篋中別有龍沙記不許傍人喚謫仙五六最工壽字亦暗寫○好客見壽

中青門二項田見贈陸生白詩勝遊從此始平泉見雕橋莊歌解衣見六真歌楚辭晉制犀比費白日紫

李遠詩長日惟消一局碁岸幘見送紀伯紫杜詩一卧滄江驚歲晚陸務觀詩試憑絲管餞流年張

子壽扇賦乃委棄于篋中龍沙見呈李太虛杜詩號爾謫仙人

其三

讀易看山愛息機閉門芳草雁還飛江湖有夢爭南幸

滄海無家記北歸烟水一竿思舊隱兵戈十口出重圍

杜陵豈少安危志老大飄零感布衣

三四真摯結句暗寓壽字○程子詩

閒坐小窻讀周易看山見商倚郊居杜詩回首風塵甘

息機梅村李大虛壽序天子再召用決大計爭南遷

深當上旨事不果行明史李邦華傳李自成陷山西邦

華密疏請帝固守京師倣永樂朝故事太子監國南都

居數日未得命又請定永二王分封太平寧國二府拱

護西京帝得疏意動繞殿行且讀且歎將行其言會帝

召對群臣中允李明睿疏言南遷便給事中光時亨以

倡言洩密糾之晉書王尼傳有一子無居宅常嘆曰

滄海橫流處處不安也司空文明有賊平後送人北歸

詩溫飛卿詩五湖烟水獨忘機琴參詩辜負一漁竿

項子遷詩舊隱水邊村兵戈見王石谷畫杜詩千口

隔風雪史記項羽紀圍之數重李太虛壽序先生流離

嶮岨浮海南還家圍烽火禍亂再作僅以其身漂泊

於江山風月之間杜詩杜陵有布衣老大意轉拙

其四

吳詩集覽卷十三上

三

廬頂談經破碧苔十年不到首重回風清鐘鼓吳山出

雲黑帆檣楚雨來痛飲長江看自注異書絕壁訪應開

芒鞋歸去身差健白鹿諸生掃講臺三四清拔結句亦帶壽字首尾相應

○按廬頂廬山之頂也王詩揚子談經處司空表聖詩

品亂山高木碧苔芳暉杜詩西江首獨見吳山見

壽龔芝麓杜詩波漂菰米沉雲黑帆檣見海濫蘇詩

楚雨還昏雲夢澤世說王孝伯曰痛飲讀離騷可稱

名士應碩祝社文有酒如江說文注灌也張如哉曰注

之江本孟子異書見汲古閣歌中郎注謝靈運山居

賦凌絕壁而起岑芒鞋見贈蒼雪白鹿見呈李太

徒授生

按圖經九江府西挹武昌東引皖口三四句用之

吳詩集覽卷十三下

七言律詩三之下

寄房師周芮公先生

并序

偉業以庚午受知於晉江周芮公師進謁潤州

官舍維時上流無恙京口晏然吾師以陸生入

雒之年弟子亦終軍棄繻之歲南徐月夜北固

江聲揮麈論文登樓置酒笑譚甚適賓從皆賢

此段序初謁芮公時○天倉州志崇禎三年庚午舉人吳偉業明史地理志泉州府晉江倚福建通志周廷鑑字芮公晉江人天啟乙丑進士鎮江推官擢吏部考功稽勲文選員外謫外歸

吳詩集覽

卷十三下

一

鎮江府志廷鑑天啟七年任庚午分校南闈首拔吳偉業癸酉分校山東所得多知名士行取

吏部文選司主事一統志鎮江府隋開皇十五年置潤州官舍見送施恩山左傳襄十四

年秦人毒涇上流水經注京口丹徒之西鄉也晉書陸機傳太康末與弟雲俱入洛南史

宋諸王傳袁淑嘗詣彭城王義康義康問其年答曰鄧仲華拜衮之歲義康曰身不識也淑又

曰陸機入洛之年終軍見送友人從軍漢書終軍傳初軍從濟南當詣博士步人關關吏予

軍繻軍問以此何為吏曰為復傳還當以合符軍曰大丈夫西游終不復傳還棄繻而去南

徐見贈馮訥生北固見閩園詩序揮塵見東臯歌注王仲宣有登樓賦宋史藝文志

林下笑譚一卷已而入主銓衡地當清切周賓從見壽王子彥

旋禁近提挈聲華拜別河梁十有八載滄桑兵

火萬事都非

此序芮公內陞吏部適逢國變也

○晉書周顛傳職掌銜

清切

禁近見送沈繹堂 漢書張耳陳餘傳以兩賢
王左提右挈聲華見送何省齋 李少卿詩攜
手上河梁遊子暮何之 滄桑見海戶曲註兵
火見遇南廂圍叟 杜詩嘆息人間萬事非

偉業負耒躬畊誓終沒齒不謂推遷塵事潦倒

浮生病苦窮愁羈縻煎迫師以同徵獨得不至

方推周黨其羨管寧而家居窮海身受重圍羽

檄時聞音塵莫及

此序梅村被 召芮公辭
徵而閩中適有兵變也○躬

畊見汲古閣歌 謝靈運詩逐物遂推遷陶詩
閨居三十載遂與塵事冥 潦倒見送何省齋
浮生見二十五日詩 窮愁見蓉清湖序 漢
書匈奴傳羈縻不絕舌焦仲卿妻詩漸見愁煎

吳詩集覽

卷十三下

二

迫 魏書高允傳同徵之人凋瘵殆盡

漢書

應曜傳隱於淮陽山中與四皓俱徵曜獨不至
時人語曰商山四皓不如淮陽一老 周黨見

寄當事諸老 管寧見閩園詩其一 後漢書
耿恭傳論余初讀蘇武傳感其茹毛窮海不為

大漢羞 重圍見壽李太虛 羽檄見雁門尚
書行注 儲光義

詩顧我闕音塵 雖然江南近信已泊樓船京

峴舊游皆非樂土何必無諸臺上始接烽烟歐
冶城邊纔開壁壘也 此序江南被兵之事蓋梅
村時官京師故于閩吳俱

作傳聞之詞○樓船見葦山兒 一統志京峴
山在丹徒縣東五里 詩適彼樂土按一統志

順治七年沿江多盜海寇犯鎮江在梅村未赴
召以前十六年海寇陷鎮江在梅村南捍

以後郎廷佐奉天人順治十三年總督江南捍
海寇有功此詩正當其時耳 無諸臺見送林

衙者 烽烟見官扇 （一） 統治治山在福州府城東北隅山西北有歐冶池相傳歐冶子鑄劍

四言之地又引明統志歐冶池在府城中布政司治所 漢書英布傳深溝壁壘分卒守徼乘塞

既知援師南下山郡依然鄭樵居第可保圖書

楊僕軍營惟聞笳吹欣故人之杖屨致遠道之

郵筒爰作短章聊存微尚抒平生於慷慨寫盡

日之羈愁庶幾同經喪亂識此襟情雖隔山川

無殊會面云爾 此序晉江兵罷為芮公慰藉而結到賦詩相寄也○山郡見高

京司馬行 鄭樵居第見送林衡者注 圖書見松鼠 史記酷吏傳楊僕者宜陽人也南越

反拜為樓船將軍又東越傳樓船將軍楊僕使使上書願便引兵擊東越 笳吹見謁張石平

吳詩集覽 卷十三 下

三

禮杖屨祇敬之 漢書賈山傳古者養三老於大學公卿奉杖大夫進履 遠道見行路難釋

貫休詩尺書裁罷寄郵筒 顏延年詩頌酒雖短章謝靈運詩伊余秉微尚拙詎謝浮名 慷

慨見又咏古 羈愁見訪文學博 世說許掾嘗詣簡文襟情之咏乃是許之所長 古詩會

面安 可知

惆悵平生負所知尺書難到雁來遲 枕椰月暗嚴城閉

鷓鴣風高畫角悲湖裏逢仙占昔夢洞中遇叟看殘碁

脫身衰白干戈際 筍屐尋山話後期 起句惆悵平生負所知與第四首結

可誤玷名賢啓事中相為照應是四首中大章法也三

四言晉江被兵是尺書難到之由五六轉到脫身干戈

八句點出寄詩○惆悵見西田詩 尺書見送何省齋 許仲晦詩鄉書無雁到家遲 枕椰見哭志行嚴城見

戰鼓見東萊行孟詩書此示
鄉園瓜步見送周子佩

梅村自跋晉江黃東崖先生和予此詩中一聯曰微
書鄭重眠食損法曲淒涼涕淚橫知已之言讀之感
歎梅村傅石漪詩序余蚤歲受知於溫陵周芮公
先生以吏部郎典選相國東崖黃公時在左坊兩公
者同里同籍有詩名亂離分隔余為詩以郵寄先生
於閩中先生偕相國和海內追數其交游而相與
為傳誦福建通志黃景昉字東崖晉江人天啟乙
丑進士入相乞假歸明史黃景昉傳國變後家居十
數年始卒

其三

但若盤桓便見收

詔書趨迫敢淹留

趨趨玉切音促

始知處

士青門里須傍仙人白石樓晉室衣冠依嶺嶠越王刀

吳詩集覽

卷十三下

五

劍閉林邱少微却炤南天遠榕樹峰高隱故侯

前半首是師以

同徵後半首是獨得不至也○盤桓見贈家侍御收見

老妓行晉書李密傳郡縣逼迫催臣上道淹留見九

友歌青門見青門曲南史陳武帝紀廣州言仙人

見于羅浮山寺小石樓李詩晉代衣冠成古邱方輿

覽勝晉江在晉江縣南晉南渡後衣冠士族避地者多

沿江以居故名一統志福建西抵江廣北距嶺嶠拾

遺記越王勾踐使工人以白馬白牛祀昆吾之神採金

鑄之以成八劍之精史記淮陰侯傳好帶刀劍杜詩石

門斜日到林邱張如哉曰越王指東越王非謂勾踐也
刀劍指甌治池漢書李尋傳注少微四星在太微西
主處士儒學之官高遠夫詩南天瘴癘和榕城隨筆
閩中多榕樹幹既生枝枝又生根垂垂如流蘇或本幹
自相依附若七八樹叢生者多至數十百條合
並為一史記蕭相國世家召平者故秦東陵侯

其四

白鶴青猿叫晚風苦將身世訴飄蓬
千灘水惡盤渦險
九曲雲迷絕磴空
廣武登臨狂阮籍
承明寂寞老揚雄

巨源舊日稱知己
誤玷名賢啟事中

前半首是羈縻前
迫後半首與第一

首相應○白鶴青猿見題河渚圖注
飄蓬見江樓別
孚令千灘見讀史雜感盤渦見短歌
一統志武夷

山綿亘百二十里有三十六峰三十七巖溪流繚繞其
間分爲九曲按千灘九曲皆比也不必指定某山某水

唐書薛元超傳絕磴險塗
晉書阮籍傳登廣武戰場
曰時無英雄使豎子成名
漢書揚雄傳孝成時召雄
待詔承明之庭又解嘲惟寂惟寞守德之宅

巨源啟事見鴛湖曲
杜詩名玷薦賢中

卽事
卽事見讀
史雜詩

夾城朝日漸臺風
玉樹青葱起桂宮

原註時乾
清宮成

謁者北

吳詩集覽

卷十三下

六

衙新掌節

原註初
設內監

郎官西府舊乘驄

原註新選部
郎爲巡方

叔孫

禮在終應復蕭相
功成固不同百戰可憐諸將帥
幾人

高會未央中

卽事十首蓋卽十一卷雜感之類此首連
舉數事而大氣包舉筆力甚遒○夾城見

殿上行漢書翼奉傳孝文時未央宮獨有前殿曲臺漸
臺宣室溫室承明耳
天清一統志中禁嚴密凡乾

清門以內殿廷之制度例弗敢戴青葱見行路難其五
桂宮見彈琴歌
漢書百官公卿表謁者秩比六百石

注謁請也白也唐書兵志南衙諸衛兵是也北衙禁軍
也周禮掌節掌守邦節而辨其用
後漢書明帝紀郎

官上應列宿唐書藝文志蕭淑西府新文十卷西府疑
卽西臺西臺詳題高澹游畫後漢書桓典傳爲侍御史

常乘馳馬晉書百官志尚書郎西漢舊置四人以分掌
尚書至魏青龍二年凡二十五郎梁昇卿詩從來漢京

盛未若此巡方
史記叔孫通傳上既觀使行禮曰吾
能爲此
蕭相見退谷歌
百戰見楚兩生行
高會

見遇劉雪舫一統志未央宮在西安府長安縣西北

其二

六龍初幸晾鷹臺集作晾鷹非千騎從官帳殿開南苑車聲

穿碧柳西山馳道夾青槐繙書夜半移燈召教射樓頭

走馬來聞道上林親試士卽今誰是長卿才此紀陪從校射之事

○六龍見朝日壇晾鷹臺見海戶曲千騎見雒陽行從官見讚佛詩帳殿見海戶曲南苑見海戶曲注季

君虞詩碧柳青青塞馬多西山見遇劉雪舫琴參詩青槐夾馳道范致能詩眼明無用且繙書李義山詩

自携明月移燈疾戰國策此可教射也已王仲初詩騎馬行人長遠過恐防天子在樓頭上林見永和宮

詞黃文江詩丹詔宣來試士初司馬相如傳字長卿

吳詩集覽卷十三下

七

其三

元僚白髮頌槐廳風度須看似九齡疏乞江湖陳老病

詔傳容貌寫丹青原註曹村相公乞休不允畫其像賜之從游西苑花

初放侍宴南臺酒半醒最是御書房下過賜茶清燕共

談經此首紀金文通之恩遇也蘇州府志金文俊吳江人順治十五年爲中和殿大學士歷加太傅改內

秘書院大學士康熙元年致仕○元僚見題凌烟圖續翰林志學士院第三廳有一巨槐素號槐廳居此閣者

往往入相唐書張九齡傳字子壽韶州曲江人遷中書令帝每用人必曰風度能若九齡乎漢書杜周傳

杜延年爲御史大夫視事三歲以老病乞骸骨天子優之在詩丹青憶舊臣曹村見虎邱祖席漢高帝詔

有能從我遊者吾能尊顯之統志明初燕王府建於元之皇城舊址卽今之西苑也瓊華島在西苑太液池

上大液池在西苑中唐書順帝紀侍宴魚藻宮金鰲退食筆記瀛臺舊爲南臺明李文達賢賜遊西苑記云南臺林木陰森過橋而南有殿曰昭和門外有亭臨岸沙鷗水禽如在鏡中本朝順治年間別建宮室爲避暑之處蘇檢詩樓上清風酒半醒南都賦御房穆以華麗周子充詩勅使傳宣坐賜茶漢書劉向傳願賜清燕之間指圖陳狀談經見壽李太虛

其四

列卿嚴譴赴三韓賁酒悲歌行路難妻子幾隨關外去

都人爭擁路旁看樂浪有吏崔亭伯遼海無家管幼安

盡說日南多瘴癘如君絕域是流官

此首悲陳彥升之遠謫也見咏拙政

園山茶花詳贈遼左故人結二句作慰藉之詞蓋彥升北徙故以日南作對照耳○魏志國淵傳居列卿采延

吳詩集覽

卷十三下

清詩逐臣北地承嚴譴三韓見凌烟圖序賁酒見海戶曲悲歌見臨江叅軍行路難見行路難（一）統志山海關本居渝關地也在永平府盧龍縣東一百八十里按通典作臨渝關今爲臨渝縣（二）參詩都人夾道看又當使路旁看雲谷雜記司馬溫公元豐末來京師都人競觀卽以相公目之左右擁塞馬至不能行（三）統志漢時所置遼東樂浪元菟三郡多屬今奉天府治之東南及朝鮮界內地後漢書崔駰傳字亭伯涿郡安平人實憲出擊匈奴駰爲主簿憲不能容出爲長岑長遂不之官而歸漢書地里志樂浪郡縣長岑遼海見山茶花序管幼安見閩園詩其一注後漢書公孫瓚傳日南多瘴氣南史任昉傳寄命瘴癘之地絕域見行路難

按梅村女厝志司農再相未一歲用言者謫居藩陽取最少子從其二在南獨留直方京師已而相國召遼左用流人法此詩首云列卿蓋去司農未久也與

贈遼左故人之三公異妻子幾隨關外去則未隨關
外去也與贈遼左故人之盡室可憐逢將吏異絕域
流官則未用流人法也與贈遼左故人之垂死絕塞
異而都人爭擁暗祝賜環詩蓋作於彥升初謫瀋陽
時
耳

其五

黃河東注出潼關本濟漕渠竟北還淮水獨流空到海

原註淮水爲黃河所逼始于清口濟漕河去則淮竟入海此清江關所以涸也汴堤橫嚙不逢

山天心豈爲投圭璧民力何堪棄草菅瓠子未成淇竹

盡龍門遠掛白雲間原註金龍口决用柳梢作土牛塞河功竟不就悼兩河民力之盡也

此梅村河渠書也與風雲月露之詞不同○一統志黃河自同州朝邑縣流入華陰縣東北合渭水又經潼

吳詩集覽卷十三下

九

關縣北折而東入河南閩鄉界詩豐水東注史記河渠書悉發卒數萬人穿漕渠三歲而通明史河渠志永

樂九年會通河已開黃河與之合漕道大通一統志黃河自汴梁至徐經邳宿桃源三義鎮入口由毛家溝

抵清河縣後謂之大清口會淮流過漁溝達安東縣界下雲梯關入海謂之老黃河明嘉靖初三義口塞南從

清河縣前亦與淮合謂之小清口又清江浦在淮安府山陽縣西北三十里古運道自邵城東北入淮宋轉運

使喬維岳開此直達清口明永樂初陳瑄重濬置閘又隋堤一名汴堤隋大業元年築西通濟水南達淮泗

幾千餘里亦名三里堤以去開封府城三里也說文蓄溢泛浸瓠子金堤尊親執圭璧使巫策祝請以身填金

堤因止宿廬居堤上而水波稍却漢書賈誼傳若刈草菅然綱目賈實瓠子河今謂之瓠子口在大名府

開州城西南二十五里淇竹見龍腹竹歌王之渙詩黃河遠上白雲間一統志順治九年河决封邱大王廟

口從長垣趨東昌北入海十一年决口塞按明史河渠

志皆作封邱金龍口蓋金龍卽大王廟口龍門卽金龍口此詩所咏蓋十一年以前事按一統志淮安府境當黃淮交會之衝又爲運道咽喉黃強淮弱衝決靡常我聖祖仁皇帝首闢海口以導黃注海次開清口閉六壩築高堰以障淮敵黃由是黃淮水均兩河底績淮南百萬生靈咸登衽席梅村蓋未及見之耳

其六

西山盜賊尚縱橫白晝畿南杼鼓鳴誰道盡提龍武將

翻教遠過闔閭城軍需苦給嫖姚騎節制難逢僕射營

斥埃但嚴三輔靖願消兵甲罷長征

此首卽梅村刑法志也前四句憂近

盜後四句思名將有不勤遠略之意張如哉曰豈謂盡煩回紇馬翻然遠救朔方兵三四句法仿之○杜詩西山寇盜莫相侵又羣盜尚縱橫賈誼陳政事疏白晝大都之中後漢書董宣傳爲洛陽令搏擊豪強莫不震

吳詩集覽

卷十三下

十

懷京師歌之曰枹鼓不鳴董少平按禮運賈杼而土鼓與枹同杜詩龍武新軍深駐輦閭閻城見虎邱夜

集圖干六國春秋南涼錄課農桑以供軍需漢書霍去病傳再從大將軍受詔予壯士爲票姚校尉按票字詩家多作嫖蕭子顯詩夫婿仕嫖姚荀子桓文之節制不可以敵湯武之仁義杜詩僕射如父兄漢書李

廣傳然亦遠斥侯未嘗遇害候一作埃三輔見退谷歌杜詩肯銷金甲事春農王少伯詩萬里長征人未還

通鑑綱目上召郭子儀還京師以李光弼代之光弼治軍嚴整始至號令一施士卒壁壘旌旂精彩皆變是時朔方將士樂子儀之寬憚光弼之嚴按綱目肅宗至德二載貶子儀爲左僕射而此詩第六句似指

光弼俟考

其七

新傳使者出皇都十道飛車算國租故事已除將作監

他年須尚執金吾主持朝論垂魚袋料理軍書下虎符

始信蕭曹務休息太平良策末全無此首卽梅村食貨志也結句與第六

首同妙○皇都見宮扇通典貞觀初并省州縣始於

山河形便分爲十道一曰關內道二曰河南道三曰河

東道四曰河北道五曰山南道六曰隴右道七曰淮南

道八曰江南道九曰劍南道十曰嶺南道蘇詩我欲乘

飛車國租見蘆州行漢書蘇武傳明習故事唐書百

官志將作監二人少監二人掌土木工匠之政後漢

書陰皇后紀仕宦當作執金吾漢書儒林傳董仲舒

能持論霍澄瀾野燎賦方望會于朝論舊唐書輿服志

咸亨三年五月五品以上賜新魚帑并飾以銀垂拱二

年五月諸州都督刺令并准京宦帶魚帑晉書王徽

之傳桓冲曰卿在府日久比當相料理軍書見次走馬

詩漢書高五王傳王欲發兵非有漢虎符驗也蕭曹

見功臣廟史記曹相國世家贊百姓離秦之酷後參與

休息無爲故天下俱稱其美矣杜淹文中子世家見

吳詩集覽 卷十三 下

十

隋文帝因奏太平十有二策
唐書薛登傳收實用之良策

其八

柳營江上羽書傳白馬三郎被酒眠無意漫提歐冶劍

有心長放呂嘉船金錢北去緣求印鐵券南來再控弦

廟算只今勤遠略伏波橫海已經年此首卽梅村兵志也說附後○一統

志九龍江一名龍溪自龍巖州漳平縣流入漳州府龍

溪縣界其下流一名柳營江羽書見與友人譚遺事

五代史閩世家王審知狀貌雄偉常乘白馬軍中號白

馬三郎史記高祖紀高祖被酒夜經澤中吳越春秋

干將者吳人也與歐冶子同師俱能爲劍呂嘉見送

人從軍史記平準書農工商交易之路通而龜貝金

錢刀布之幣興焉求印見揚州漢書高祖紀丹書鐵

契金匱石室隋書李穆傳賜以鐵券恕其十死漢書婁

敬傳控弦四十萬騎孫子兵未戰而廟算勝者得算多也左傳僖九年齊侯不務德而勤遠略張正言詩
伏波橫海舊登壇宋
延清詩少別已經年

此首刺逆藩耿精忠也柳營江點出閩地第二句寫其跋扈三四承第二句說是驕詐之狀五六是狡黠之情引出結句結則言近旨遠含蓄不露極合風人之旨按梅村于康熙十年卒而耿逆之叛在十三年三月然其潛蓄逆謀必有露於機先者梅村在順治間立朝時已能先見如此其時逆藩之氣燄方盛乃圓圓曲雜感之其四其五于吳逆不少假借而滇池鏡吹第一首預知有吳逆之變此首預知有耿逆之變其防微杜漸之意纏綿悱惻寓于言外至歿後而所言皆驗論梅村詩者當以此等爲上乘不徒擅長于筆墨間也

其九

吳詩集覽

卷十三下

三

秋盡黃陵對落暉長沙西去不能歸甘寧舊壘潮初落

陶侃新營樹幾圍五嶺烽烟城郭改三湘征調吏人稀

老臣裹革平生志往事傷心尚鐵衣

時楚閩未靖故有此作○賈闡仙詩

聯句逢秋盡黃陵廟見贈吳雪航落暉見寄當事其三

通典有萬里沙祠故曰長沙湖廣通志洪承疇泉州

人順治癸巳督師經畧五省駐長沙便宜行事三國

志甘寧傳字興霸巴郡臨江人也一統志甘寧故壘在

長沙府益陽縣南一里潮落見贈吳錦雯晉書陶侃

傳斬蘇峻旋江陵封長沙郡公尋以江陵偏遠移鎮巴

陵斬郭默旋巴陵因鎮武昌又嘗謀諸營種柳都尉夏
拖盜官柳植之于巴門侃後見駐軍問曰此是武昌西
門前柳何因盜來此種拖惶怖謝罪張如哉曰兼用桓
溫樹猶如此人何以堪意許棠詩庵樹想成圍更記
淮南王安傳使尉佗踰五嶺攻百越廣州記大庾始安
臨賀桂陽揭陽爲五嶺烽烟見宮扇按城郭改暗用了

令威歌城郭雖是人民非
三湘兒哭志行征調見雜

感王詩省中啼鳥更人稀
後漢書馬援傳男兒當効

死於邊野以馬革裹尸還槨
宋蘭歌寒光照鐵衣

此首刺洪亨九當與松山哀訪文學博叅看訪文學
博云盡道長沙軍已得滇池王此云長沙西去不能

歸若為洪作原心之論者結句反以裏革許之正是
斧鉞之筆也梅村夜宿阜昌有流涕辭伐燕語當非

其十

巴山千丈擘雲根節使征西入劍門蜀相軍營猶石壁

漢高原廟自江村
原註駐兵南鄭分閭閻州兩地皆有高祖廟全家故國空

從難異姓直王獨拜恩回首十年成敗事笛聲哀怨起

吳詩集覽 卷十三下 三

黃昏
此詩紀吳逆入蜀之事也圓圓曲專征簫鼓向秦川金牛道上車千乘斜谷雲深起畫樓散關月落

開粧鏡與詩中異姓直王獨拜恩合全家白骨成灰土
與詩中全家故國空從難合而觚賸載其由秦入蜀迄

於秉鉞滇雲垂旒洱海又與節使征西入劍門合當與
圓圓曲及雜感第四首五首參看○一統志大巴山在

保寧府南江縣北二百里一名巴嶺山小巴山在南江
縣東北此山之南即古巴國其嶺上多雲霧盛夏猶有

積雪杜詩晴雲如擘絮雲根見石公山琴參詩節使
橫行西出師按吳逆封平西王故用征西字一統志劍

門關在保寧府劍州東北即重復石壁間有神像影現
諸葛孔明黃陵廟記於大府沔縣東南其旁有八陣圖

焉一統志督軍壇在漢中府沔縣東南其旁有八陣圖
焉一統志八陣圖在西縣東南十里諸葛亮壘門以石為

元和志八陣圖在西縣東南十里諸葛亮壘門以石為
圖又諸葛寨在南江縣西一百里高五十餘丈可容萬

人四壁峻拔惟一面有鳥道可上其頂有泉四時不竭
一統志漢中府南鄭縣附郭輿地紀勝漢高帝廟在

閬中縣南十里西偃山下一統志漢高祖祠在南鄭縣

南漢水濱原廟見鍾山江村見罄清湖汪鉅翁定州
郝公墓誌吳三桂等入川奉詔統東西兩路兵駐劄
川南以圖進取俱爲賊所敗原注之駐兵分閫卽東西
兩路之兵也退之揚燕奇碑感泣辭親從難於秦
漢書有異姓諸侯王表史記淮陰侯傳卽爲眞王
耳北史王晞傳拜恩私室李詩哀怨起騷人

長安雜咏

玉泉秋散鼎湖龍世廟元都闕御容絳節久銷金竈火

青詞長護石壇松運移梅福身難去道向麻姑使未逢

重過竹宮聞夜祭徐無仙容話乾封前四句就明世宗說五六兼以自寓

重過竹宮點出時事蓋因聞夜祭而追話前事耳○一統志玉泉山在宛平縣西北二十五里山前有

圍玉泉出山下味甘而冽一名噴雪鼎湖見圓圖曲明史世宗紀諱厚煥廟號世宗又陶仲文傳帝自號太

吳詩集覽 卷十三 下 四

上大羅天仙紫極長生聖智昭靈統元證應玉虛總掌
五雷太真人元都境萬壽帝君杜詩配極元都闕宋史
禮志神御殿古原廟也以奉安先朝之御容絳節見
讚佛詩江詩方驗參同契金竈煉神丹李肇翰林志
凡道觀薦青詞文用青籊紙朱字謂之青詞胡仔詩紫
雲常護玉壇松石壇見朝日壇運移梅福見讀西臺
記麻姑見閩園序竹宮見東萊行史記封禪書于
是五利常夜祠其家欲以下神徐無見蘇門高士圖
乾封見
東萊行

其二

石門秋聳妙高臺慈聖金輪寺榜開龍苑樹荒香界壤

鹿園花盡塔鈴哀燈傳初地中峰變經過流沙萬里來

代有異人爲教出鳩摩天付不凡材前四句咏有明之佛刹後四句指時

事與其一相似○冠詩石門日色異一統志妙高臺在丹徒縣金山上宋僧了元建按此詩不必指丹徒之臺蓋用此體明史后妃傳孝定李太后神宗生母也上尊號曰慈聖皇太后顧好佛京師內外多置梵剎動費鉅萬首楞嚴經彼金寶者明覺立堅故有金輪保持國土按寺榜寺門之額也世說韋仲將能書魏明帝起殿欲安榜使仲將登梯題之韓詩城闕連雲草樹荒沈雲卿詩香界繁北渚花龕隱南巒阿含經一時佛遊婆奇瘦在巖山怖林鹿野園中便詩夏餘花欲盡晉書佛圖澄傳天靜無風而塔上一鈴獨鳴劉孝綽詩談謔有名僧慧義似傳燈法苑珠林十地頌如竹破初節餘節速能破得初地真智諸地疾當得王詩分野中峰變第六句見禮蒼公塔漢書公孫弘等傳贊異人並出鳩摩見讚佛詩隋書經籍志胡僧至長安者數十輩惟鳩摩羅什才德最優杜詩金眸玉爪不凡才

程迓亭曰此詠大慈壽寺而及木陳忞公也按浙江通志道忞字木陳潮陽林氏子甫冠棄弟子員爲天吳詩集覽卷十三下

童密雲悟和尚法嗣順治己亥徵至京住齋宮萬壽殿結冬開堂 勅封宏覺禪師

其三

鼓角鳴鞘下建章平明獵火照咸陽
黃山走馬開新埒 青海求鷹出大荒
奉轡射生新宿衛帶刀行炙舊名王

侍臣獻賦思遺事指點先朝說豹房
此首咏羽獵之盛也類不忘規○鼓

角見送朱司李宋史儀衛志鳴鞭內侍二人執之鞭鞘用紅絲而漬以蠟行幸則前驅而鳴之漢書武帝紀天武元年起建章宮一統志建章宮在長安縣西百詩大明拂劍朝天去太白大獵賦獵火燃兮千山紅一統志咸陽故城在今咸陽縣東黃山見海戶曲晉書王濟傳買地爲馬埒編錢滿之時人謂之金溝謝元暉詩舊埒新塍分青海見贈雪航異名記登州海岸有鳥如鶻自高麗飛渡海岸名海東青山海經天荒之中有

山名曰大荒之山上林賦叔孫奉鬻衛公驂乘金史
郭蝦蟆傳世爲保甲射生手子虛賦臣楚國之鄙人也
幸得宿衛十有餘年隋書儀衛志周武帝時百官燕
會弁帶刀升座南史王琨傳顏師伯傳酒行炙皆悉內
妓漢書終軍傳越地及匈奴名王有率衆來降者杜
詩侍臣緩步歸青瑣獻賦見南苑閱武應制遺事見琵琶行
指點見龍腹
竹歌豹房見洗象圖

其四

百戰關山馬槊高耻將階級鬪蕭曹兩河子弟能談劍

一矢 君王已賜袍此日大家親較武他時年少定分

茅功成老將無人識看取征南帶血刀此首咏老將也
○百戰見楚兩

生行關山見琵琶行馬槊見哭志行後漢書邊讓傳
階級各位亦宜超然蕭曹見功臣廟兩河見避亂按

吳詩集覽 卷十三下

六

莊子有說劍篇左傳成十六年王召養由基與之兩
矢使射呂錡以一矢復命唐書傳游藝傳起一歲賜袍

自青及紫人謂四時仕宦大家見永和宮詞揚子雲
長楊賦簡力狡獸校武栗禽晉書八王傳贊分茅錫

瑞道光恒典老將見遇南廂園叟征南見
贈雪舫補註張思廉神絃曲頑蛟尚染刀鏤血

哭蒼雪法師我蒼雪示寂在順治十三年閏五月二十二日

憶昔穿雲到上方飛泉夾路筍輿忙孤峰半榻霜顛白

清磬一聲山葉黃得道好窮詩正變觀心難遣世興亡

汰公塔在今同傳無着天親共影堂原註汰如住華山
與師爲法侶最相

得滅度已十六載矣從初見蒼雪起三四贊蒼雪五
句抽出能詩六句適逢易世結句以汰如伴說悠然意

遠○穿雲見壽鶴如上方兒支硎聽雨飛泉見送人
從軍張景陽詩秋梓夾路筍輿見二十五日詩孤峰

見謂剖公置山民詩來分半榻涼劉克莊詩白布袍襦

雪滿顛 清磬見宿福源精舍狂詩吟詩秋葉黃

漢書費長房傳子幾得道朱子詩傳舊說二南為正風

十三國為變風雅者正也其篇本有大小之殊而先儒

說又各有正變之別戴景屏詩隱凡自觀心沃如

塔銘沃如法師遺言建塔於中峰同傳詳六言偶成

無着天親見贈蒼雪

影堂見禮蒼公塔

池北偶談南來蒼雪法師居吳之中峰嘗夜誦楞嚴

月明如水忽語侍者庭心有萬歷大錢一枚可往檢

取視之果然師貫穿教典尤以詩名嘗有

句云斜枝不礙經行路落葉全埋入定身

其二

說法中峰語句真滄桑閱盡剩閒身宗風實處都成教

慧業通來不礙塵白社老應空世相青山我自哭詩人

吳詩集覽

卷十三下

七

縱教落得江南夢萬樹梅花孰比鄰此詩從前首五六

鄰用意深切○說法見禮蒼公塔中峰見贈蒼雪推闡而出結到無

桑見海戶曲注閒身見虎邱夜集圖宗風慧業見禮

蒼公塔列子雲霧不核其視集韻核同礙白社見

後東臯歌圓覺經三摩提以幻化為相即假觀奢摩陀

以寂靜為相即空觀蘇詩青山是處可

藏骨詩人見圍次罷官詩洽比其鄰

此兩首各自成章而合看亦成章法蓋上方與影堂

相映此本首之章法也然穿雲筍輿都從自己說而

江南梅花又從自己結一憶前遊一計後來亦有無

心映合之趣至其一從詩說到時世其二從時世說

到詩各極其妙有風雨離合之奇結句言已總

得歸江南而梅村中絕少詩友也是極贊蒼雪處

送友人出塞

出塞見送 杜敬武

上書有意不忘君竄逐還將諫草焚 聖主起居當日

慎小臣忠愛本風聞玉關信斷機中錦金谷園空畫裏

雲塞馬一聲親舊哭焉支少婦欲從軍上四出塞寫出戀闕之情語有

斟酌下四送友寫其別家之苦語極沉痛○上書見臨

江叅軍劉更生上災異封事念忠臣雖在吠畝猶不忘

君倦倦之義也季詩窺逐我因誰南史謝宏微傳每

獻替及陳事必手書焚草人莫之知王子淵有聖主

得賢臣頌後漢書章帝紀刺探起居堯戒戰戰慄慄日

慎一日禮小臣廉池北偶談陳衍云風聞二字出漢

書尉陀傳玉關見贈家侍御皇甫冉詩機中錦字論

長恨金谷見老妓行 庚詩塞馬暗嘶羣嵇叔夜絕

交書時時與親舊叙離濶陳說平生焉支見咏

山茶花按少婦字出史記滑稽傳從軍見行路難

七八句義似亦於陳彥升為近然梅村女權眉誌祇

云司農再相未一歲用言者謫居藩陽而已此詩前

四句乃建言被謫者小臣忠愛亦與司農再相不合

則非送彥升明矣俟考按梅村集中以出塞著於

吳詩集覽 卷十三 下 六

篇者陳彥升吳漢槎吳茲受孫赤岷皆是也彥升以

大臣謫餘多以科場謫皆與此詩小臣忠愛本風聞

不合國朝詩別裁集季開生字天中江南泰興人

順治己丑進士官給事中尚陽堡卽事口號五雲長

繞舊皇畿萬里孤臣寄翠微極塞有山皆北向重邊

無水不西歸雞鳴夢訝參朝晚烏哺心傷進膳違寧

惜焚焚沙雁影陽回未得入闕飛嚴沉字子餐懷季

天中遼左云萬里邊城問謫居躬耕遼海意何如龍

沙更作投湘賦鳳闕長懸諫獵書鳴綠流澌春水下

醫閭積雪暮寒餘柳條漸識陽和近未必君王

雨露疎繆慧遠字子長憶遼左故人生歸何地更逢

君蘭忌當門自昔云東維少年無賈誼制科風漢獨

劉黃蕃釐種徒瓊花絕遼海魂啼杜宇聞篋裏故人

封事藁兩窓檢點淚紛紛并與此詩合梅村所送其

天中歎曹爾堪字子顧甲季天中給諫沒於遼左云

櫻鱗奏草動宸口居海內爭傳痛哭書瓶乳竟虛

頭白後葵丹空照汗青餘三春漠漠闕雲黯千里

茫茫塞草疎蛻骨龍荒何日返祇憐化鶴到淮徐

卽事

張如哉曰卽事十首長安雜咏四首未必一時所作亦未必皆在京所作如曹村相公以順治十五年入相時梅村早歸里矣編詩者以其俱詠京中事故總編次于此卷中卽事一首殆亦續作而補編也

擊鼓迎神太乙壇越巫吐火舞珊珊露臺月上調絲管

禁苑霜凋挾彈丸赤驥似龍徠萬里白鷹如雪致三韓

柏梁焚後宜春起只有西山作舊看

此首亦包舉數事筆力道厚○詩坎

其擊鼓盧子行詩西瑄協律南豐迎神史記武帝紀亳人謬忌奏祠泰一方其後人有上書言古者天子三年一用太牢具祀神三天一地一泰一天子許之令太祝領祠之于忌泰一壇上如其方史記封禪書乃令越巫立越祝祠晉書夏統傳從父敬寧祠先人迎女巫章丹陳珠二人甲夜之初撞鐘擊鼓間以絲竹丹珠乃

吳詩集覽

卷十三下

九

拔刀破舌吞刀吐火宋玉神女賦拂墀聲之珊珊露臺見南苑應制絲管見老妓行禁苑見退谷歌顧逋翁詩霜凋樹吹斷韓詩外傳黃雀方欲食螳螂不知童子挾彈丸在下迎而欲彈之列子周穆王右騮赤驥而左白鸞杜詩赤驢頓長纓非無萬里姿張如哉曰似龍徠萬里用史記天馬歌天馬徠龍之媒又用蒲補天馬歌天馬徠兮從西極經萬里兮歸有德白鷹見海戶曲注三韓見陵烟閣圖序漢書郊祀志柏梁災粵巫勇之曰越俗有火災復起屋必以大用勝服之于是作建章宮宜春見退谷歌

送同官出牧

左傳文七年同官爲寮何仲言詩八朝耿長劍出牧盛層塵魏環極寒

松堂集有乙未年諸公外轉詩當與

此同時作也乙未爲順治十二年

露掌明河玉漏寒侍中出宰據征鞍君王此日親除

吏臣子何心道換官壯士驪山秋送戍豪家渭曲夜探

九扶風馮翊皆難治努力諸公奏最看前半首是同官出牧後半首多

用秦中地名就出牧上寫出送字意○庾詩露掌定高雲宋延清詩明河可望不可親宋史樂志良夜永玉漏

正遲遲漢書百官表注應劭曰入侍天子故曰侍中後漢書明帝紀出宰百里社必簡詩艱險促征鞍史

記武安侯傳上乃曰君除吏已盡未吾亦欲除吏晉書荀勗傳百中書監除尚書令人賀之勗曰奪我鳳凰

池諸君何賀耶按第四句暗用之換官本漢書薛宣傳宣奏粟邑令尹賞與潁陽令薛恭換縣而兩縣皆治

史記高祖紀高祖以亭長為縣送徒鄴山徒中壯士願從者十餘人又黥布傳布已論輸麗山麗山之徒數十

萬人布皆與其徒長豪傑交通朱子詩傳戍屯兵以守也豪家見圓圓曲王詩渭水自繁秦塞曲探丸見行

路難漢書百官表漢武帝太初元年左內史更名左馮翊主爵中尉更名右扶風統志陝西表乾州鳳翔

府隴州邠州漢左馮翊同州府耀州商州漢右扶風史記汲黯傳右內史界部中多貴人宗室難治請徙黯為

吳詩集覽 卷十三 下

三

右內史按漢書地理志武帝建元六年置左右內史則右內史蓋卽中尉後改為右扶風者努力見送周子

俶漢書尹翁歸傳以高第入守右扶風常為三輔最蘇廷頌詩還當奏最掖垣來

寄周子俶中州

中州見送子俶青瑤

聞道周郎數酒悲中原極目更依誰雲遮二室關山在

河奪三門風雨移銅狄紀年何代恨石經傳字幾人知

狂歌落日登臨罷殘醉歸來信馬遲按梅村送子俶青瑤赴河南學使者

幕則子俶有所依也而此云酒悲與置酒龍門夜不同云依誰與得依張壯武不同關山在風雨移何代恨幾

人知俱非壯遊之意或子俶有所不合故梅村云然與○周郎見圓圓曲白詩誰料平生狂酒客如今變作酒

悲人中原見贈蒼雪極目見蕩子行白詩望關雲遮眼一統志引韋昭曰嵩高有太室少室之山山有石

室故名關山見呈李太虛陝州志黃河中流有砥柱山一名三門山山有三門禹鑿以通河南曰鬼門中曰神門北曰人門舟楫不通惟人門可通筏木風雨奪見二十五日詩銅狄見雒陽行左傳襄三十年臣小人也不知紀年石經見送子傲青瑣注元
詩甘蔗消殘醉翠參詩薄暮垂鞭信馬歸

懷古兼弔侯朝宗

原註朝宗歸德人貽書約終隱不出余爲世所逼有負夙諾故

及之 懷古見讀鄭世子傳補註 援朝宗書載壯悔堂集中錄談數

河洛風烟萬里昏百年心事向夷門氣傾市俠收奇用

策動官娥報舊恩多見攝衣稱上客幾人勿頸送王孫

死生總負侯羸諾欲滴椒漿淚滿樽

首二句虛籠全題三四句正寫懷古

五六句於懷古中轉注起下七八句點醒弔字又回應第二句也○史記封禪書三代之君皆在河洛之間霍

吳詩集覽

卷十三下

廿

顛詩風烟萬里愁

薛陶臣詩百年心事付東流史記

信陵君傳魏有隱士曰侯羸年七十家貧爲大梁夷門

監者公子置酒大會賓客坐定公子從車騎虛左自迎

侯生侯生謂公子曰臣有客在市屠中願枉車騎過之

公子引車入市侯生下見其客朱亥俛故久立侯生

視公子色終不變乃謝客就車至家公子引侯生坐上

坐魏安釐王二十年秦昭王已破趙長平軍又進兵圍

邯鄲魏王使將軍晉鄙將十萬衆救趙實持兩端以觀

望公子患之數請魏王魏王畏秦終不聽公子侯生乃

屏人問語曰羸聞晉鄙之兵符常在王卧内而如姬最

幸力能竊之羸聞如姬父爲人所殺公子使客斬其讐

頭敬進如姬誠一開口請如姬如姬必許諾則得虎符

奪晉鄙軍北救趙而西却秦此五霸之伐也公子從其

計侯生曰臣客屠者朱亥可與俱此人力士晉鄙聽大

善不聽可使擊之公子過謝侯生侯生曰臣宜從老不

能請數公子行日以至晉鄙軍之日北鄉自剄以送公

子公子與侯生決至軍侯生果北鄉自剄

又季布傳

爲氣任俠有名於楚

官娥見圓圓曲漢書丙吉傳以

吉蕃恩尤重史記高祖紀沛公起攝衣謝食其延上坐上客見行路難更記張耳陳餘傳兩人相與爲刎

頸交王孫見雒陽行椒漿見登封烈婦

按此詩以侯生爲主第二句點出夷門第三句咏朱亥而以氣傾字收入侯生甲裏第四句咏如姬而以策動字收入侯生甲裏五六句就侯生作感慨而勿頸字已引出死生字見朋舊雖多而能如侯生之死

不負諾者少也然侯生能不負諾而已則負諾於侯生是以爲之滴淚也侯生爲誰嬴也又朝宗也皆夷門也因負諾而淚滿此百年之心事也懷字弔字

送曹秋岳以少司農遷廣東左轄廣東通志布政司左布政使曹

江東才子漢平陽身歷三臺拜侍郎五管清秋懸使節

吳詩集覽卷十三下

一作秋清百蠻風靜據胡床珠官作貢通滄海象郡休兵奉

朔方早晚鄼侯能薦達鋒車好促舍人裝從曹秋岳少司農起三四

廣東左轄五六左轄功成結句祝其賜環也○晉書王坦之傳江東獨步王文度才子見功臣圖歌漢書功臣

表平陽懿侯曹參後漢書蔡邕傳補侍御史又遷侍書御史遷尚書三日之間周歷三臺杜詩登臨憶侍郎

五管見送顧蔣來清秋見送耿中丞周禮掌節注使節使卿大夫聘於天子諸侯行道所執之信也張如哉

曰清秋當是秋清對下風靜百蠻見送杜敬武徐鼎臣詩今朝池口風波靜胡床見楚兩生行一統志珠

官廢縣在廉州府合浦縣南書在土作貢漢書食貨志

彭吳穿穢猶朝鮮置滄海郡一統志廣西慶遠府秦象郡地休兵見齋詩天子命我城彼朔方漢書蕭何

傳上以何功最盛先封爲鄼侯何病上親自臨視因問曰君即百歲後誰可代君曹參何如何頓首曰帝得之矣薦達見送王惟夏北行晉書輿服志追鋒之名蓋

取其迅速也漢書曹參傳蕭何薨參聞之告舍人趣治行吾且入相居無何使者果召參師古曰舍人猶家人也越讀曰促謂速也治行謂修行治裝也

其二

秋風匹馬尉佗城銅鼓西來正苦兵萬里虞翻空遠宦十年楊僕自專征山連鳥道天應盡日落蠻江浪未平

此去好看宣室召漢皇前席問蒼生

此首從苦兵用意正字空字自字天

應盡浪未平好看字俱能運實於虛結句與前首意同○秋風匹馬見送趙友沂一統志番禺故城今廣州府南海縣治漢書地理志南海郡治番禺縣尉佗都廣東通志趙佗城在南海縣治東秦任囂所築佗益廣之銅鼓見壽陸孟鳧虞翻見閩園序遠宦見短歌楊僕見寄芮公序專征見夜宿阜昌鳥道見閩州行高

吳詩集覽

卷十三下

三

達夫詩簷外長天盡劉夢得詩十見蠻江白芷生羊士誇詩津柳江楓白浪平二輔黃圖宣室未央殿正室也史記賈生傳孝文帝方受釐坐宣室因感鬼神事而問鬼神之本賈生因具道所以然之狀至夜半文帝前席按李義山詩宣室求賢訪逐臣賈生才調更無倫可憐夜半虛前席不問蒼生問鬼神此反用之

其三

銅柱天南起暮笳蒼山不斷火雲遮羅浮客到花爲夢庾嶺書來雁是家五月蠻村供白越千年仙竇訪丹砂

炎州百口堪同住莫遣閒愁感髻華

此首囑其隨遇而安是道義相期處

○銅柱見送顧蒨來劉文房詩暮笳吹塞月儲光羲詩雨雪浮蒼山火雲見越南廂圍叟第三句見送龔孝升庾嶺見嘆王子彥蘇詩爛煮葵羹樹桂醅風流可惜在蠻村後漢書馬后紀注白越越布王子安

淨惠寺碑山童采葛入丹竇而忘歸丹砂見送周子佩
劉文房詩炎州百口住季義山詩莫遣佳期更後
期杜彥之詩有底閒愁得到
心梁簡文帝詩釵落鬢華空

其四

懸瀑丹崖萬仞流越王臺上月輪秋江湖家在堪回首

京國人多獨倚樓海外文章龍變化日南風俗鳥鞞朝

知君此地登臨罷追憶平生話少游

此首代秋岳設想五六足稱高唱

韓詩懸瀑垂天紳丹崖見歸雲洞萬仞見臨江參軍按

左大冲詩振衣千仞岡濯足萬里流此合用之

志越秀山在番禺縣北城跨其上聳拔二十餘丈上有

越王臺故址山一名越王山李詩峨眉山月半輪秋

京國見送趙友沂社詩行藏獨倚樓茗溪漁隱叢話

東坡自南遷以後詩全類子美夔州以後詩正所謂老

吳詩集覽

卷十三下

廿

而嚴者也子由云東坡謫居僂耳獨喜為詩精鍊華妙
不見老人衰憊之氣魯直亦云東坡嶺外文字讀之使
人耳目聰明如清風自外來也楚辭蛟龍隱其文章張
平子西京賦若神龍之變化日南見閩州行唐本草
鷓鴣生江南鳴云鞞鞞格磔字山思舊銘追憶平生
宛然心目後漢書馬援傳援平交阯從容謂官屬曰吾
從弟少游嘗哀吾慷慨多志曰士生一世但取衣食
裁足致求盈餘但自若耳當吾在浪泊西里間虜未滅
之時下潦上霧毒氣熏蒸仰視飛鳶跼跼
墮水中卧念少游平生時語何可得也

送楊猶龍學士按察山西

篋行集楊思聖字猶龍直隸鉅鹿人國朝詩

別裁集猶龍順治丙戌進士著有且亭集山西通志按察使楊思聖順治年任

碧山學士起嚴裝新把牙旌下太行玉塵開尊從將吏

銀毫判牒喜文章三關日落疑笳吹千騎風流出射堂

憶賜錦袍天上暖西游早拂雁門霜首句學士次句按察山西三四從按

察點入學士後半首學士按察合說○杜詩碧山學士

焚銀魚按嘉興府志黃葵陽有碧山學士寬碩堂又名

其居曰碧山居名其集曰碧山集則碧山蓋學士之美

稱後漢書清河王慶傳常夜分嚴裝張平子東京賦

牙旗續紛薛綜注牙旗者將軍之旌竿上以象牙飾之

太行見又咏古玉塵見後東臯歌注開尊見後東臯

歌將吏見贈家侍御陸務觀詩銀毫地綠茶膏潤韻

增官府移文謂之牒選之送浮屠文暢序喜文章三

關見代州笳吹見謁張石平千騎見雕橋莊歌子山

春賦分朋入射堂筆談宋銀臺司兼門下封駁乃給

事中之職初冬獨賜翠毛錦袍天上見題凌烟圖史

記范睢傳王稽問魏有賢人可與俱西游者乎雁門見

雁門尚書行

其二

吳詩集覽 卷十三下

荳

一天涼影散鳴珂落木平沙雁度河北地詩名三輔少

西風客思五原多紫貂被酒雲中火鐵笛迎秋塞上歌

回首禁城從獵處千山殘雪滿滹沱此首多從山西說

道傳詩舉頭涼影動徐孝穆詩飛蓋響鳴珂按琴曲

有平沙落雁盧昇之詩五營屯北地三輔見退谷歌

張如哉曰明李夢陽北地人與何景明齊名世稱何李

此借比揚猶龍猶龍北人在畿內故云三輔少謝元

暉詩客思難裁漢書武帝紀元朔二年置五原郡地

理志五原郡治九原縣一統志忻州九原故城後漢僑

置縣於此又外藩蒙古九原故城在吳喇忒旗北漢朔

方之東北雲中之西今套北黃河東流處也五原故城

在故九原城西歐陽永叔詩紫貂裘暖朔風驚被酒

見卽事第八首雲中見雁門尚書行盧允言詩野戍雲

藏火鐵笛見避亂月令孟秋之月以迎秋于西郊陳

伯玉詩長謠塞上風杜詩禁城春色曉蒼蒼從獵見

讀佛詩 千山見贈願雲師殘
雪見過鄭州滹沱見讀西臺記

送王藉茅學士按察浙江

浙江通志提刑按察使
王无咎字藉茅河南孟

津人順治十三年任河南府志王无咎
丙戌會魁歷侍讀學士江南右布政使

始興門第故人稀才子傳家典北扉畫省日移花更發

御溝春過柳成圍江湖宦蹟飄蓬轉嵩少鄉心旅雁飛

重到冶城開戟地豈堪還問舊烏衣

起從王字點入學
士三四學士按察

也五句是按察浙江六句是藉茅故里仍用王字作結
按才子傳家冶城開戟與其二之江左故吏王家書畫
藉茅蓋王覺斯鐸之子也鐸于南渡時已官尚書故兩
首結句多用嘆息語耳○始興見觀通天帖李嘉祐詩
轉覺故人稀 夢溪筆談學士院北扉者為其在浴堂
之南便於應召 畫省見弔衛紫岫顧渠清口日移字

吳詩集覽

卷十三下

其

暗用花磚入直意

唐試帖有御溝新柳詩柳十圍已

成園并見西田和韻

飄蓬見江樓別字令宋史張

宗晦傳嵩少伊瀼天下佳處按嵩少謂嵩山少室山也

鄉心見送何省齋何仲言詩霜洲渡旅雁杜牧之詩

重到笙歌分散地一統志冶城在上元縣西按開

戟猶列戟也見壽龔芝麓注 烏衣見白燕吟

其二

訟堂閒嘯聽流鶯十載東南憶避兵江左湖山多故吏

王家書畫豈虛名從容簿領詩還就料理烟霞政自成

欲過會稽尋稷事斷碑春草曲池平

前首從學士起此
首從按浙起避兵

二字妙有含蓄○訟堂見贈楊仲延釋清壑詩聞嘯兩
三聲按詩意亦用成瑨坐嘯見寄茵公註流鶯見鶯湖
曲 避兵見東萊行 江左見送子叔青瑯溪書尹翁
歸傳田延年為河東太守悉召故吏五六十人 王家

書畫見觀通天帖史記平原君傳以虛名得君君必勿聽也 簿領見送沈釋堂 料理見卽事其七烟霞見讀西臺記 蘭亭序會於會稽山陰之蘭亭修禊事也 斷碑見東萊行春草見老妓行 桓子新論 雍門周曰 高臺旣以傾 曲池旣以平

魏環極送同年王藉茅復補涼州分憲詩江東雲物等閒過又看征車渡渭河一代風流詞賦老頻年閱 歷苦辛多防秋漢使瞻鴻鴈入款番人貢 橐駝不負生成今日事玉門長嘯記恩波

送當湖馬觀揚備兵岢嵐

一統志當湖在嘉興府平湖縣東門外岢嵐州

在太原府西北三百二十里山西通志岢嵐兵備道馬燭曾浙江平湖人進士順治十三年任 絕塞驅車出定羌洗兵空磧散牛羊黃河盡處無征戰

紫燕飛時敢望鄉獨客登臨傷廢壘前人心力困危疆

吳詩集覽

卷十三下

七

君恩不遣邊臣苦高卧荒城對夕陽

多從岢嵐落想 駱賓王詩交

河浮絕塞驅車見下相懷古一統志定羌廢縣在河州東南宋熙寧七年改河諾城爲定羌城元升爲縣元末廢按河州今屬甘肅蘭州府馬或由蘭州遷岢嵐兵備與俟考 洗兵見送志衍王詩暮雲空磧時駟馬 一統志黃河在興縣西五十里自保德州南流入又南入汾州府臨縣界西岸爲陝西界常建詩天涯盡處無征戰 顧逋翁詩紫燕西飛欲寄書岑文本詩暫緩望鄉情 廢壘見越南廂園叟 心力見琴清湖序按此句 應指山西巡撫蔡懋德 公羊傳邊垂之 臣 王詩荒城臨古渡夕陽見西田詩

送王孝源備兵山西

山西通志雁平兵備道王天眷山東濟寧州人進士順治

十三 年任

秋盡黃河氣欲收千山雪色照并州鵬盤落木蒼崖壯

馬蹴層水斷澗流父老壺關迎節使將軍廣武耻封侯

雍容賓佐資譚笑吹笛城南月夜樓多從山西落想結句暗用劉越石清

嘯事○二統志山西西薄於河自陝西榆林東北折而南經廢東勝州又南經大同太原汾州平陽四府至蒲

州府西南折而東入河南懷慶府界千山見贈顧雲師并州見鐵獅歌陸務觀詩百金戰袍鵬鵠盤按詩

意謂盤旋之盤如沈休文蛟螭盤其下之類蒼崖見臨江叅軍杜詩交河幾蹴層水裂水經注斷澗為城

壺關老見送郭官贊節使見卽事其十廣武見贈馮

訥生張如哉曰按史記劉敬傳高祖械繫敬廣武至平城匈奴圍帝白登七日然後得解帝至廣武赦敬曰不

用公言以困平城迺封敬為關內侯敬因勸帝與匈奴和親妻以長公主廣武句翻用此事耻字借用淮陰侯

羞與絳灌伍雍容見送施愚山宋史太祖紀舉堪為賓佐令錄者各一人譚笑見遇南廂園叟吹笛見琵琶行

吳詩集覽卷十三下 其

送同年江右朱遂初憲副固原江西通志崇禎四年辛未進士朱徽

進賢人 國朝固原副使統志固原州在平涼府西北一百七十里

銜杯落日指雕鞍渭北燕南兩地看士馬河湟征戰罷

弟兄關塞別離難荒祠黑水龍湫暗絕坂丹崖鳥道盤

錯認故京還咫尺幾人遷客近長安首句是送字次句畧點固原二句固

原四句同年五六指旣到固原以後結句卽兩地看之意妙有別趣○劉伯倫酒德頌銜杯漱醪李詩花月醉

雕鞍杜詩渭北春天樹燕南見過鄭州注後漢書鄭太傅今資之士馬河湟見贈吳雪航征戰見送馬觀

揚關塞見舊劍杜詩人世別離難荒祠見游西巒

在固原州西南史記封禪書湫淵祠朝那明統志湫有

二一在縣東十五里一在縣西北三十里土人謂之東

海西北岸有廟舊傳祭龍神澗澤侯處東海東岸有廟
一統志隴山在平涼府華亭縣西秦州青水縣東與鳳
翔府隴州接界一名隴坂辛氏三秦記其坂九迴不知
高幾許欲上者七日乃得越丹崖見歸雲洞鳥道見閬
州行後漢書杜篤傳表裏山河先帝舊京咫尺見送
何省齋遷
客見琵琶行

其二

清秋柳陌響朱輪帳下班聲到近臣萬里河源通大夏

七盤山勢控新秦

按七應作六

北庭將在黃驄老西海僧來

白象馴最喜安邊宜節使君恩深處少風塵

起結皆送字意中四

句就固原說三四山川五六人物也○清秋見贈家侍御柳陌見送李書雲朱輪見送塔伊令帳下見臨江

吳詩集覽

卷十三下

充

參軍左傳襄十八年聽班馬之聲河源見雜感第三
首史記大宛傳張騫從月氏至大夏鹽澤潛行地下其南則河源出焉通志大六盤山在固原州西南七十里山路險仄曲折峻阻盤旋而上古謂之絡盤道按六盤於固原爲切若七盤山在西安府藍田縣南七盤嶺在四川保寧府廣元縣與陝西寧羌州接界卽閬州行之金牛盤七坂是也去固原差遠矣漢書食貨志徙貧民於關中以西及充朔方以南新秦中七十餘萬口唐書地理志靈州新秦縣開元二年置杜詩月過北庭寒故老思飛將黃驄見次走馬詩史記大宛傳于寘之西則水皆西流注西海其東水東流注鹽澤陳敬宗詩青貌白象三千界漢書趙充國傳選擇良吏拊循和輯此全師保勝安邊之冊杜詩稍喜臨邊王相國節使見卽事其十風塵見壽龔芝麓

其三

白草原頭驛路微十年踪跡是耶非月明函谷朝雞遠

未落蕭關塞馬肥便道江城鄉思急故人京洛諫書稀

一官漂泊知何恨老大匡山未拂衣

此首是遂初意中語是耶非知何恨

起結相應中四句是往固原時道中所見意中所思○

王少伯詩百草原頭望京師一統志百草原在臨洮府

金縣南二十里岑參詩西原驛路掛城頭一季夫人歌

是耶非耶一史記孟嘗君傳夜半至函谷關闕法雞鳴

而出客一統志秦函關在漢宏農縣即今陝州靈寶縣

界武帝元鼎三年徙於新安縣界王介甫詞歌眠似聽

朝雞早蕭關見玉京塞塞馬見送友人出塞杜詩秋

高馬肥健漢書郵都傳便道之官得以便宜從事李

詩江城五月落梅花白詩鄉思急於弦一張正言詩故

人京洛滿岑參詩自覺諫書稀一杜詩何恨倚山木

又老大徒傷未拂衣一統志

廬山一名匡山見贈蒼雪

其四

吳詩集覽卷十三下

三

長將詩酒付奚囊

程迺亭曰酒應作句

此去征途被急裝苜蓿金

鞍調白馬梅花鐵笛奏青羌涼州水草軍營盛漢代亭

臺獵火荒往事功名歸衛霍書生垂老玉門霜

詩酒書生起結

相應中四句就固原說其三老大此首垂老與其一錯

認俱有遷謫意○柳道傳詩正為先生行役苦故留鐵

王薦奚囊征途見送黃子羽漢書趙充國傳將軍急

裝因天時誅不義杜詩宛馬總肥秦苜蓿王少伯詩

白馬金鞍從武皇梅花鐵笛見過鐵崖墓青羌見贈

家侍御一統志涼州府在甘肅布政使司西北五百

六十里漢武帝開置武威郡魏文帝分置涼州千道志

焉支山美水草軍營見寄芮公序獵火見長安雜詠

駱賓王詩俄聞衛霍有功勳按衛青霍去病也書

生見壽龔芝麓垂老見短歌玉門見行路難張如哉曰

末句用班超傳書生即布衣諸生垂老

即今且七十玉門即生入玉門闕意

吳詩集覽卷十四上

黎城斬榮藩介人輯

七言律詩四之上

七夕感事

天上人間總玉京今年牛女倍分明畫圖紅粉深宮恨

砧杵金闈瘴海情南國綠珠辭故主北邙黃鳥送傾城

憑君試問雕陵鵲一種銀河風浪生

此首言離別之感貴賤咸同也未詳

所指○百詩天上人間會相見祝中書元都玉京七寶山遇迴九萬里在大羅天之上隋煬帝詩牛女尚分明杜詩畫圖省識春風面紅粉見送李雲田深宮見讀佛詩古子夜秋歌萬結砧杵勞金闈見元夕韓詩

吳詩集覽

卷十四上

一

今日相逢瘴海頭

曹詩南國有佳人綠珠見老妓行杜詩敢為故林主北邙見送子做青凋左傳文六年

秦以子車氏之三子為殉皆國之良也國人哀之為之賦黃鳥傾城見永和宮詞曹夢徵詩憑君莫話封侯

事莊子莊周遊乎雕陵之樊觀一異鵲自南方來者翼廣七尺目大運寸感周之類而集於栗林侯子慎詩倩

語雕陵鵲填河未可飛銀河見青門曲杜詩牛女年年渡何曾風浪生

和楊鐵崖天寶遺事詩

按顧仲瑛有天寶宮詞十首寓感草堂雅集本作

唐宮詞次鐵崖先生無題韻十首

漢王秋宵宴上林延年供奉漏沉沉給來妙服裁文錦

賞就新聲賜餅金鴉鵲風微清笛迴蒲萄月落畫弦深

明朝曼倩思言事日午君王駕未臨

此兩首可補唐宮詞義取諷諫○王

詩漢王離宮接露臺羣端已詩金屋兮秋宵上林見讚
佛詩 延年見哭志衍供奉見王郎曲令狐穀士詩仙
漏更沉沉 宋玉神女賦極服妙采照萬方漢書貨殖
傳富者土木被文錦 新聲見楚兩生行序韓致光詩
不知侍女簾幕外賸取君王幾餅金 鴉鵲見殿上行
杜詩官殿風微燕雀高傳絳笛賦聽清笛之寥亮 崔
顥詩棠梨宮中燕初至蒲萄館裏花正開 季長古詩畫
弦素管聲淺繁 曼倩見讚佛詩注後漢書明帝紀其
言事者靡有所諱 司空表聖詩春晴日午前按長恨
歌春宵苦短日高起從此君王不早朝末句用其意

其二

複道笙歌幾處通博山香裊絳疏中檀槽豈出龜茲伎

龜茲音

邱慈 玉笛非關于闐工浩唱扇低槐市月緩聲衫動

石頭風霓裳本是人間曲天上吹來便不同 與前首同意結句蘊

吳詩集覽 卷十四 上

二

藉之甚○史記秦始皇紀複道甬道相連笙歌見青門
曲 博山見行路難揮塵後錄臺上爐香裊翠烟後漢
書梁冀傳窗牖皆絳疏青瑣 檀槽龜茲見琵琶行
集異記明皇與葉法善遊月官回過潞州城上以玉笛
奏曲旬餘潞州奏八月望夜有天樂臨城漢書西域傳
河有兩源一出葱嶺一出于闐梁書于闐國傳有水出
玉名曰玉河 浩唱見琴清湖季義山詩賺得羊車來
低扇遮黃子槐市見行路難 古樂府有前緩聲歌

霓裳見永和宮詞 杜詩此曲祇應
天上有杜子野詩纔有梅花便不同

西清詩話云歐陽公歸田錄論王建霓裳詞弟子部
中留一色聽風聽水作霓裳以不曉聽風聽水為恨

余嘗觀唐人西域記云龜茲國王與臣庶知樂者於
大山間聽風水之聲均節成音後翻入中國如伊州

涼州甘州皆龜茲至此說近之但不及霓裳耳鄭
峴津陽門詩注葉法善引明皇入月宮聞樂歸笛寫

其半會西涼府楊敬遠進婆羅門曲聲調韶合按之
便韻乃合二者製霓裳羽衣曲則知霓裳亦來自西

域云蔡寬夫詩話云唐有兩霓裳曲開成初尉遲璋嘗倣古作霓裳羽衣曲以獻詔以曲名賜貢院爲題

此自一曲也

送少司空傅夢禎還嵩山

按河南府志傅景星登封人崇禎丁丑進士歷

任都察院左副都御史或曾任工部侍郎而志佚之又載其字與俟考嵩山見送沈釋堂

高臥千峯鎖暮霞洛城春盡自飛花銅仙露冷宮門草

玉女臺荒洞口沙被褐盧鴻仍拜 詔賜金疏受早還

家西巡擬上登封頌抱犢山莊候翠華

杜子美遊龍門奉先寺而起句

云已從招提遊便省却半篇文字此送傅司空還山而直從高臥千峯起亦省却許多情話矣後半首是以司空還山者洛城登封點染嵩山○高臥見退谷歌千峯見西田詩江詩崦嵫生暮霞 李詩散入春風滿洛城

吳詩集覽

卷十四上

三

孟詩林臥愁春盡飛花見銀泉山 季長吉金銅仙人

辭漢歌序魏明帝青龍元年八月詔官官牽車西取孝

武捧露盤仙人欲立置前殿官官既拆盤仙人臨載乃

潸然泣下 按歌內有空將漢月出官門之句杜詩露冷

蓮房墜粉紅 按河南府志太室山有天门石樓玉女

聰其山二十四峯有玉人峯玉女峯而不載玉女臺一

統志集仙臺在登封縣東北亦不載玉女臺也嵩高山

記山北有玉女三臺漢武於此見三仙女故名張漢河

南府續志登封玉女臺見水經注則非聰與峯及集仙

臺矣漢武事近傳會故一統志不書耳寰宇記緱氏有

八風溪溪水南流岸有沙細潤可以漑濯隋代常進後

宮雜以香藥曰玉女沙按緱氏山在河南偃師縣南與詩意不合詩當指玉女臺外之沙耳 家語子路曰有人于此被褐而懷玉何如唐書盧鴻傳字顯然廬嵩山開元初徵拜諫議大夫固辭還山賜隱居服 漢書疏廣傳兄子受字公子父子並爲師傅俱移病上以其年篤老皆許之加賜黃金二十斤 按崔亭伯有西巡頌史記武帝紀遂東幸緱氏禮中嶽太室從官在山下聞

若有言萬歲云于是以三百戶封太室奉祠命曰崇高

山頭兮抱嶺山莊見雕橋

莊歌上林賦建翠華之旅

夜宿蒙陰

統志蒙陰縣在沂州府西北二百里自此首以下皆梅村南歸時作

客行杖策魯城邊訪俗春風百里天蒙嶺出泉茶辨性

龜田加火穀占年野蠶養就都成繭村酒沽來不費錢

我亦山東狂李白倦游好覓王家眠

三四工巧絕倫客行倦游起結相應

杖策字出後漢書鄧禹傳左太冲詩策杖招隱士左傳哀十七年公會齊侯于蒙註蒙在東莞蒙陰縣西故

蒙陰城也統志蒙陰故城春秋魯蒙邑袁伯長詩訪俗感素心統志蒙山在蒙陰縣南易山下出泉

蒙水經注蒙水出蒙山之陰統志蒙頂茶出費縣蒙山巔其花如茶狀土人取而製之其味清香異他茶

吳詩集覽

卷十四上

四

春秋定十年齊人來歸鄆灌龜陰田統志蒙山高峯數處俗以在酉者為龜蒙中央者為雲蒙在東者為東

蒙其實一山未嘗中斷龜山自在新泰縣境其北有沃壤所謂龜陰之田也晉書食貨志往者東南南草創人稀

故得火田之利柳子厚詩雞骨占年拜水神後漢書光武帝紀野蠶成繭被于山阜統志蒙陰縣出繭綉

村酒見送李友梅杜詩汝與山東李白好史記司馬相如傳長卿故倦游社詩李白斗酒詩百篇長安

市上酒

或曰舊唐書白山東人父為任城尉因家焉錢希逸南部新書亦同元微之作杜工部墓誌亦云山東人

李白蓋白隱于徂徠時人皆以山東稱之故杜詩亦曰山東李白曾鞏以舊史書為誤非也按梅村送施

愚山詩云李白遊山東可以息諸家聚訟楊升菴據李陽水魏顯序欲以為東山李白亦好奇之過與

剡城曉發

統志剡城縣在沂州府北一百二十里

匹馬孤城望眼愁，雞聲喔喔曉烟收。魯山將斷雲不斷。

沂水欲流沙未流，野戍淒涼經喪亂。殘民零落困誅求。

他鄉已過故鄉遠，屈指歸期二月頭。三四工絕結句入妙。○蘇詩望眼儘

從飛鳥遠，喔喔見九峯草堂歌。盧允言詩曉烟浮雪野。一統志魯山在蒙陰縣北一百六十里。又沂水

源出蒙陰縣，北南流經沂水縣西。庚詩野戍孤烟起。殘民見高郵道中。誅求見遇南廂園叟。屈指見松

鼠補註李詩何日是歸期。

前首云訪俗春風百里天，此首云屈指歸期二月頭。可以考見梅村南歸之月日。張如哉曰遇南廂園

叟云四月到金陵，此云歸期二月頭，蓋梅村赴召在癸巳四月南歸，在丁酉二月，罄清湖詩序所云比

三載得歸也。

吳詩集覽

卷十四上

聞台州警

一統志台州府在浙江布政使司東南五百七十七里。明史魯王檀傳：肅王壽

鏞薨，子以派嗣。崇禎十二年，大清兵克充

州，被執死。弟以海轉徙台州，張國維等迎居於

紹興。又張國維傳：南都覆踰，月潞王監國於杭

州，不數日出降。閏六月，國維朝魯王於台州，請

王監國。即日移駐紹興。順治三年五月，諸軍乏

餉，潰王走台州。航海按此詩次於宿蒙陰，發剡

城之後，距以海航海之日遠矣。一統志：順治十

四年，海寇陷城，黃巖知縣劉登科不屈，賊縛投

三江水中。詩蓋

作於此時與。

高灘響急峭帆收，橘柚人烟對鬱洲。天際燕飛黃石嶺

雲中，犬吠赤城樓。投戈將士逍遙臥，橫笛漁翁縹緲愁。

聞說天台踰萬丈，可容長嘯碧峯頭。將台州警二字合寫故能入妙。○楊

誠齋詩前頭不怕過高灘峭帆見贈穆苑先（李詩人烟寒、橘袖鬱洲見老妓行）按天際燕飛暗用張燕事見吳志衍注（一統志）玉峴山在台州府臨海縣東一百七十里舊名黃石（北齊書）樊遜傳淮南成道夫吹雲中赤城見壽王鑑明洞天福地記第六赤城洞周迴三百里名上玉清平之天在台州唐興縣按戈見送友人往真定後漢書光武紀於是大饗將士迨遙見避亂（杜詩）橫笛短簫悲遠天漁翁見題代笠縹緲見讚佛詩（陶通明真誥）天台山高一萬八千丈（後漢書）向栩傳不好言語而好長嘯陸敬輿詩全勝老碧峯

其二

野哭山深叫杜鵑閩風臺畔羽書傳軍捫絕磴松根火
士接飛流馬上泉雁積稻梁池萬頃猿知擊刺劍千年
桃花好種今誰種從此人間少洞天與前首同一筆法而新警過之○野

吳詩集覽

卷十四上

六

哭見揚州李文山詩落日深山哭杜鵑（一統志閩風臺在台州府寧海縣北五十里羽書見與友人譚遺事絕磴見寄周芮公常建詩傍依枯松根）遊天台山賦瀑布飛流以界道（一統志）瀑布山在天台縣西四十里（杜詩）君看隨陽雁各有稻梁謀按雁宕山在温州府樂清縣東九十里樂清縣與仙居黃巖縣界（冥越春秋）袁公問于處女吾聞子善劍願一見之女曰妾不敢有所隱惟女試之袁公則飛上樹變為白猿（史記曰者傳齊張仲曲成侯以善擊刺學用劍立名天下）唐人本事詩胡麻好種無人種張如哉曰桃花用劉阮事（茅君內傳）大天之內有地之洞天三十六所乃真仙所居（廣輿記）天台山舊稱金庭洞天

其三

天門中斷接危梁玉館金庭跡渺茫石鼓響來開峭壁
干將飛去出滄浪仙家壘是何年築刺史丹無不死方

亂後有人還采藥越王餘算禹餘糧與前兩首同妙○

寧海縣北六十里季詩天門中斷楚江開宋子詩傳石

絕水曰梁唐中宗詩金門披玉館金庭見前首宋邕

天台詩霞重嵐深路渺茫一統志石鼓山在臨海縣

東一百五里山上有石似鼓兵輿則鳴陳後主詩峭壁

聳春林高季迪劍池詩千將欲飛去巖石裂蒼礪滄

浪見礮清湖按吳越春秋湛盧之劍惡闔閭之無道也

乃去而水行如楚楚昭王臥而寤得湛盧之劍于牀拾

遺記湛盧之劍飛入于楚一統志台州春秋為越地後

屬楚而海在台州府東故合而翻用之耳臨海記黃

巖山上有石驛三面壁立俗傳仙人王方平居此號王

公客堂陸士衡辨亡論築壘遵渚新唐書皇甫鎛傳

薦方士柳泌為長年藥泌本楊仁晝也習方伎自云能

致藥為不死者因言天台山靈仙所舍多異草願官天

台求采之起徒步拜天台刺史驅吏民采藥山谷間鞭

笞苛急歲餘無所獲懼詐窮遁去季詩幸遇王子喬口

傳不死方采藥見送何省齋異苑越王餘算生南

吳詩集覽卷十四上

海水中如竹算子長尺許白者如骨黑者如角古云越

王曾於舟中作籌有餘者棄之水而生博物志海上有

草焉名篩其實食之如大麥七月稔熟名曰自然穀或

曰禹餘糧述異記今藥中有禹餘糧者世傳昔禹治水

棄其所餘糧於江中生為藥也

其四

三江木落海天西華頂風高聽鼓鬢瀑布洗兵青嶂險

石橋通馬白雲齊途窮鄭老身何竄春去劉郎路總迷

最是孤城蕭瑟甚斷虹殘雨子規啼亦用合寫法蓋瀑

石橋下忽有通馬字皆不經人道過者後半亦工○一

統志引台州府志天台關嶺仙居永安溪入海按此則三江

流名曰三江環郡城之西南而東流入海按此則三江

在海之西也柳子厚詩海天愁思正茫茫一統志華

頂峯在天台縣東北六十里天台第八重最高處鼓鑿見遇劉雪舫（一統志）石橋山在天台縣北五十里兩山並峙連亘百里有石梁懸架兩崖間雙澗合流于橋下橋勢峭峻洩為瀑布下臨萬仞（孫興公賦）跨穹窿之懸磴臨萬丈之絕冥謂此洗兵見送志衍沈休文詩峻嶒起青嶂（按）通馬如桃花源源記初極狹纜通人之通（劉文房詩）孤城上與白雲齊（途窮見）贈李雲田（唐書）鄭虔傳榮陽人安祿山反劫授水部郎中因稱風緩求攝市令潛以密章達靈武賊平貶台州司戶叅軍事杜詩鄭老身仍竄台州信始傳（函明錄）漢永平五年剡縣劉晨阮肇共入天台迷不得返得山上數桃啖之遂不饑下山一大溪邊二女姿質妙絕因要還家留半年既出親舊零落訊問得七世孫許仲海詩若指求仙路劉郎與阮郎（一統志）劉阮洞在天台縣西北二十里蕭瑟見臨江叅軍（斷虹殘雨見）西田和韻沈雲卿詩清夜子規啼

贈遼左故人

（程迺亭輦悅）危談遼左故人之為陳之遴舊說為海寧陳彥升相公作時

吳詩集覽

卷十四上

八

相公盡室遣戍故作激楚聲贈之（按）彥升事見詠山茶花寄懷陳直方及卽事第四首晉書庾翼傳江南將不異遼左矣

詔書切責罷三公千里驅車向大東曾募流移畊塞下

豈遷豪傑實關中桑麻亭障行人斷松杏山河戰骨空

此去累臣聞鬼哭可無杯酒酌西風

（首二句點題三四）魏托遼左五六赴

遼左途中所見累臣與罷三公相應却跟五六說下○漢書王嘉傳因以切責公卿（後漢書）李固傳切責三公驅車見下相懷古詩遂荒大東（漢書）晁錯傳上從

其言募民徙塞下流移見松山哀

（史記）劉敬傳臣願

陛下徙齊諸田楚昭屈景燕趙韓魏後及豪傑名家居關中（陳嵩伯詩）積地桑麻種不生（史記）秦始皇紀中

築亭障

松山見松山哀（一統志）杏山在錦州府錦縣

西南四十里大凌河小凌河在錦縣東戰骨見蟋蟀益

歌左傳厲三十三年知幣日以君之靈纍臣得歸
於晉鬼哭見闡州行曹孟德祭橋太尉文祖述之后
路有經由不以斗
酒隻雞過相沃酌

其二

短轅一哭暮雲低雪窖永天路慘悽青史幾年朝玉馬

白頭何日放金鷄燕支塞遠春難到木葉山高鳥亂啼

百口總行君莫嘆免教少婦憶遼西

聲情并到氣格俱佳彦升全家徒遼

左故末二語及之○按短轅犢車出晉書王導傳杜詩親朋盡一哭庾詩雲低馬上人宋史朱弁傳歎馬角

之未生魂銷雪窖攀龍髯而莫逮淚洒水天劉公幹詩冰霜正慘悽青史見遺悶陳伯玉詩昔日殷王子玉

馬已朝周金鷄見讚佛詩燕支見詠山茶花岑參發臨洮詩春風不會到木葉山見吾谷行杜彥之詩

吳詩集覽

卷十四上

九

三春鳥亂啼百口見避亂少婦見送友人出塞金昌緒詩啼時驚妾夢不得到遼西

其三

潦倒南冠顧影慚殘生得失懺瞿曇君恩未許誇前席

世路誰能脫左驂雁去雁來空塞北花開花落白江南

可憐庾信多才思鬪隴鄉心已不堪

此首專指彥升說有一氣渾成之妙

○潦倒見送何省齋南冠見琵琶行謝元暉詩顧影慚駢服杜詩多少殘生事遼史禮志悉達太子者西域

淨梵王子姓瞿曇氏名釋迦牟尼以其覺姓稱之曰佛釋迦方志淨飯遠祖捨國修行受瞿曇姓故佛號瞿曇

前席見送曹秋岳世路見呈李太虛史記管晏傳越石父賢在縲繼中晏子出遭之途解左驂贖之杜牧之詩薊北雁初去禮仲秋之月鴻雁來曹孟德樂府

鴻雁出塞北獨孤至之詩不堪花落花開處况是江

南江北人周書庾信傳信雖位望通顯常有鄉關之思乃作哀江南賦以致意云李義山詩可憐庾信尋荒菊南史褚裕之傳好學有才思關隴見送杜嵒武鄉心見送何省齋

其四

浮生蹤跡總茫然兩拜中書再徙邊儘有溫湯堪療疾
恰逢靈藥可延年垂來文鼠裝綿暖射得寒魚入饌鮮

只少江南好春色孤山梅樹菴溪船此首亦指彥升說若為慰藉者而其

悲更深○浮生見二十五日詩蹤跡見遇劉雪舫唐

書百官志中書省中書令二人掌佐天子執大政而總

判省事後漢書安帝紀坐徙邊者各歸本郡按梅村女

權厝誌司農再相謫居瀋陽再徙遼左魏書陸麗傳

和平六年麗療疾於代郡溫泉按一統志昌平州有溫

泉二湯泉一遵化州有湯泉一李義山詩姮娥應悔

吳詩集覽 卷十四 十

偷靈藥一統志盛京土產人參吉林烏喇皆有之本

草人沒一名神草久服身輕延年王邱授裴敦復中

書舍人制或學辨文鼠或詞握靈蛇裝綿見曉發李

詩連弩射海魚入饌見齋詞名有江南好一統志

孤山在杭州府錢塘縣西二

里舊多梅菴溪見贈陳定生

其五

路出西河望八城保宮老母淚縱橫重圍屢困孤身在

垂死翻悲絕塞行盡室可憐逢將吏生兒直悔作公卿

蕭蕭夜半元菟月鶴唳歸來夢不成舊說此章專為其太夫人作生兒直

悔作公卿與潘黃門母同感○一統志遼河在奉天府

西一百里按一統志奉天府關隘有撫順城在承德縣

東東京城在遼陽州東北牛莊城在海城縣西熊岳城

在蓋平縣西南岫巖城在蓋平縣東打牲烏喇城在吉

林鳥刺北阿爾楚哈城在白都調東北三姓城在阿爾楚哈城東二百餘里八城蓋指此〔漢書蘇武傳〕加以老母繫保官〔師古曰〕百官公卿表云少府屬官有居室太元初年更名保宮淚縱橫見送沈友聖重圍見壽龔芝麓垂死見松鼠絕塞見送馬覲揚盡室見送何省齋將吏見贈家侍御蘇詩但願我兒愚且蠢無災無害到公卿按此反用之元堯見松山哀鶴唳見茸城行註按歸來用丁令威事溫飛卿詩水簾銀床

按彥升夫人徐亦能詩有送方太夫人西還詩蓋從彥升於塞外作也

其六

齊女門前萬里臺傷心砧杵北風哀一官悞汝高門累半子憐渠快婿才失母况經關塞別從夫只好夢魂來

吳詩集覽 卷十四

十一

摩挲老眼千行淚望斷寒雲凍不開此首專為直方夫婦而作梅村女誌

中丞初以婚請予難之曰物禁太盛陳氏世顯貴庸我耦乎故曰一官悞汝高門累十有一歲而母郁淑人卒故曰失母况經關塞別子婦不在遣中相國命將幼穉歸故曰從夫只好夢魂來相國子孝廉容永字直方所謂半子憐渠快婿才也用意懇到○齊女門見咏山茶蘇州府志望齊門東北門也砧杵見七夕感事一官見哭志行二國志賈詡傳男女嫁娶不結高門唐書回鶻傳今婿半子也杜詩世亂憐渠小北史劉延明傳吾有一女欲覓一快女婿失母見課女關塞見舊劍儀禮婦人有三從之義既嫁從夫孟詩相思那得夢魂來摩挲見行路難其六老眼見宮扇庾詩獨下千行淚開君萬里書季義山詩高秋望斷正長吟

寒雲見遇 劉雪舫

春日小園即席次白林九明府韻小園見閩園序 鎮洋縣志白登

明字林九奉天人由柘
城知縣陞太倉知州

小築疎籬占綠灣釣竿斜出草堂間柳因見日頻舒眼

花為迎風早破顏地是廉泉連讓水人如退谷遇香山

新詩片石留題在探蕨烹葵數往還似晚唐南宋人語

居宋本詩百尺吳船漾綠灣釣竿見磬清湖元詩

柳眼渾開盡張景陽七命蕘樹迎風李詩林吐破顏

花廉讓見贈陳青雷退谷見寄當事諸老其二舊

唐書白居易傳與香山僧如滿結香火社自稱香山居士

朝野僉載温子昇作韓陵山寺碑庾信曰惟有韓陵一片石可共語詩言采其蕨又七月烹葵及菽往還見雪中遇獵

題畫

吳詩集覽 卷十四上

七

芍藥

古今注芍藥有二種有草芍藥有木芍藥木者花大而色深俗呼為牡丹非也

花到春深爛熳紅香來士女踏歌中風知相諶吹芳蒂

露恨將離浥粉叢漬酒穩教顏色異調羹誤許姓名同

內家彩筆新成頌肯讓元暉句自工三四氣工爛熳

帝詩清風細雨雜香來張文潛詩連臂踏歌村市晚

詩伊其相諶贈之以勺藥字典蒂同蒂西京賦注蒂果

鼻也韓詩外傳芍藥離草也古今注古人相贈以勺藥相招以文無文無一名當歸芍藥一名將離故也黃

文江詩開園見粉叢漬酒見過蘄王墓羣芳譜芍藥

濕以黃酒淡紅者悉成深紅司馬長卿子虛賦芍藥

之和具而後御之注芍藥音酌畧調和也李陽冰太白

詩序御手調羹以食之按梁簡文帝七勵離紅之贈芍藥之羹而梅村亦有食羹調芍藥之句則不止姓名同

也內家見西泠閨咏社詩絲筆昔曾千氣象按晉傳

統妻有芍藥頌南史謝朓傳
字元暉謝元暉詩紅藥當階翻

石榴見五律

碧雲剪剪月鈎鈎狼藉珊瑚露未收絳樹憑闌看獨笑
綠衣傳火照梳頭深房莫倚含苞固多子還憐齟齬羞

種得萑蒲堪漬酒劉郎花底拜紅侯

題畫六首皆詠物詩別無寓言故以

工穩爲王○韓致光詩側側輕寒剪剪風

梁簡文帝詩浮雲似帳月如鈎狼藉見松鼠潘安仁河陽庭前安

石榴賦若珊瑚之映綠水

絳樹見圓圓曲憑闌見送何省齋孟東野詩昔爲同根客今爲獨笑人詩綠兮

衣兮莊子火傳也不知其盡也杜牧之詩似火山榴映

小山梁元帝詩銀缸影梳頭潘正叔安石榴賦千房同蒂朱子詩傳苞甲而未拆也北史魏收傳齊安德王延宗納李祖收女爲妃如母宋氏薦二石榴於帝收

吳詩集覽

卷十四上

七

曰以石榴房多子母欲子孫衆多也齟齬見石榴萑蒲見西田詩漬酒見蘄王墓按齊民月令於五月五日以萑蒲屑和酒飲之此詩蓋以五月爲榴花盛時故以萑蒲紀之耳又按史記惠景問侯者年表紅侯富楚元王子侯也漢書楚元王傳休侯富免後封紅侯而孝平恩澤侯表有紅休侯劉歆富與歆皆劉姓也拾遺記吳王以潘夫人遊昭宣之臺得火齊指環卽掛石榴枝上因起臺名曰環榴臺時有諫者曰吳蜀爭雄還劉之名將爲妖矣乃翻其名曰榴環臺梅村以榴通劉蓋本于拾遺記而攢簇史漢用之耳榴花多紅故云紅侯亦如毛穎傳之滑稽也或曰劉攽謂紅休之紅音降師古疑紅字當爲絳更有指爲虹縣者然春秋昭公八年蒐于紅杜預注蕭縣西有紅亭一統志紅亭在徐州府蕭縣西南而於虹縣不書紅則卽用春秋地名可矣劉郎用李長吉茂陵

劉郎秋風容

洛陽花

羣芳譜石竹草品纖細而青翠一云千瓣者各洛陽花草花中佳品也

綠窗昨夜長輕莎玉作欄杆錦覆巢丹纈好描秦氏粉

墨痕重點石家螺剪同翠羽來金谷織並紅羅出絳河

千種洛陽名卉在不知須讓此花多結有別趣○蘇詩綠窗朱戶春晝閉

謝元暉詩輕莎方霍靡 狂牧之詩晴舞玉欄干司空表聖詩錦窠不是尋常錦 百詩紅纈誰家合羅袴 舌今注蕭史與秦穆公鍊飛雪丹第一轉與美玉塗之今

水銀膩粉是也季義山詩重傳秦臺粉 蘇詩每到先

看醉墨痕 狂牧之詩石家錦幘依然在 洛神賦或拾

翠羽金谷見老妓行 西都賦紅羅颯纒廣志天河亦

日絳河 洛陽花木記牡丹千葉黃花十種千葉紅花

三十四種千葉紫花十種千葉緋花一種千葉白花四

種多葉紅花三十二種多葉紫花十四種多葉黃花三

種芍藥千葉黃花十六種千葉紫花六種千葉白花二

種千葉緋花二種雜花八十二品桃三十種梅六種杏

十六種梨二十七種李二十七種櫻桃十一種石榴九

吳詩集覽 卷十四 上

古

種林擒九種木瓜五種柰十種刺花三十七種草花八十九種水花十九種蔓花六種蔡君謨詩名卉參差十數窠 陸魯望詩 不知原是此花身

茉莉

本草綱目稽含草木狀作末利洛陽花木記作抹厲佛經作抹利王龜齡作沒利洪

景廬作末麗蓋抹利本胡語無正字隨人會

意而已韋君呼為狎客張叔敏呼為遠客楊

慎丹鉛錄云晉書都人簪奈花即今末利花也

剪雪裁冰莫浪猜玉人纖手摘將來新泉浸後香恒滿

細縷穿成藥半開愛玩晚涼宜小立護持隔歲為親栽

一枝點染東風裏好與新粧報鏡臺 中四語將養花之法摹寫入妙○穠

槃詠梅詞剪雪裁冰有人嫌太清 玉人見永和宮詞

舌詩纖纖出素手劉孝威詩當由美人摘詎止春風吹

采慶餘詩一派新泉日午時羣芳譜每晚採茉莉花
取并花水半杯用物架花其上離水一二分厚紙密封
次日花既可簪以水點茶清香撲鼻甚妙謝元暉詩
細縷竟無纖羣芳譜于念東曰茉莉自夏首至秋杪皆
花開必薄暮半放冉冉作奇香杜詩晚涼看洗馬王
介甫詩小立佇幽香護持見雁門尚書行羣芳譜收
藏茉莉霜時移北房簷下見日不見霜大寒移入暖處
圍以草薦十月入窖中枝頭入地尺許封蓋嚴密不透
風氣爲佳春分朝南開一孔通氣立夏後方可出窖方
雉飛詩寒光隔歲燈照染見磬清湖新粧見鴛湖
閨詠梁武陵王蕭紀字世詢詩屏風隱鏡臺南方
草木狀佛書稱未利亦曰鬢華言堪以飾鬢也

芙蓉

羣芳譜芙蓉有二種出於水者謂之草芙蓉出於陸者謂之木芙蓉此詠草芙蓉也

細雨橫塘白鷺拳竊紅婀娜向風前千絲衣薄荷同製

三醉顏酖柳共眠水殿曉涼粧徙倚玉河春淺共遷延

吳詩集覽

卷十四上

五

涉江好把芳名認錯讀陳王賦一篇

三四襯托入妙○杜詩細雨魚兒出

橫塘見圓圓曲白鷺見天王寺看牡丹雍國鈞詠鷺詩

一足獨拳寒雨裏轉注古音畧竊卽古淺字九扈中

竊丹淺赤也按左傳昭十七年九扈爲九農正杜注扈

有九種棘扈竊丹程迓亭曰竊卽淺字晏叔原詩幾翻

分破淺深紅婀娜見王郎曲千絲見無題楚辭製菱

荷以爲衣兮集芙蓉以爲裳羣芳譜王敬美曰芙蓉

特宜水際有曰三醉者一日間凡三換色楚辭朱顏酖

些三輔故事漢苑中有柳狀如人形號曰人柳一日三
眠三起王少伯詩芙蓉不及美人粧水殿風來珠翠
香季長吉詩曉涼暮涼樹如蓋徒倚見西田詩賈誼
晨遊太素宮控軒觀玉河白詩可憐春淺遊人少遷延
見琴河感舊按涉江楚辭篇名古詩涉江採芙蓉
陳思王曹植雜神賦迫而察之灼若芙蓉
葉出綠波溫飛卿詩悔讀南華第二篇

菊花

夜深銀燭最分明翠葉金鈿認小名故著黃繩貪入道

却翹紫袖擅傾城生來艷質何消瘦移近高人恰老成

幾度看花花耐久可知花亦是多情讀此詩愈覺西田賞菊之工其格殊

也○夜深銀燭見西田賞菊注漢書司馬相如傳揚

翠葉杳紫莖徐孝穆玉臺新詠序反插金鈿橫抽寶樹

陸魯望有小名錄王銓有侍兒小名錄黃繩入道見

彈琴歌西京雜記戚夫人能為翹袖折腰之舞許仲

晦詩綠蔓蔭穠紫袖低艷質見西田賞菊會真記詩

自從消瘦減容光高人見簡姜明府老成見癸巳襖

飲耐久見題祭墨詩溫

飛卿詩花若有情應悵望

南山五日鏡奩開綵索春葱縛鞅材奇物巧從蠶館製

吳詩集覽 卷十四 上 六

內家親見豹房來越巫辟惡鏤金勝漢將擒生畫玉臺

最是繭絲添虎翼難將續命訴牛哀組織最佳結有別趣○集異記詠南

山之虎斬長橋之蛟與民除害蕭子雲詩餘花落鏡奩

綵索注見下百詩十指剝春葱後漢書呂布傳縛虎

不得不急史記司馬相如傳卒然遇軼材之獸又奇

物詭譎漢書元后傳注上林苑有繭觀蓋蠶繭之所也

內家見西冷閨咏豹房見洗象圖越巫見卽事續

漢禮儀志五月五日朱索五色桃印為門戶飾以止惡

氣玉燭寶典午節備擬多矣又有日月星辰鳥獸之狀

文繡金縷帖畫貢獻所尊宋書符瑞志晉永和九年春

民得金勝一長五寸狀如織勝按漢將句暗用光武

功臣圖畫雲臺也擒生見雪中遇獵玉臺新詠見西冷

閨詠序國語趙簡子使尹鐸為晉陽請曰為繭絲乎

抑為保障乎韓非子母為虎傅翼將飛入邑擇人而食

之風土記午日造百索繫臂一名長命縷一名續命

縷一名辟兵縷一名五色縷一名五色絲一名朱索花

史馮淑妃名小憐大穆后從婢也穆后愛淑以五月五日進之號曰續命淮南子牛哀病七日化為虎其兄啟戶虎搏而殺之

吳漢槎秋筍集和繭虎薰風妝閣問鍼神五日符懸辟厭新不見赤刀傳粵咒還從綵勝識雄寅黃衣綴就金猶蹙白額描來繡未直莫訝使君能化虎繭絲元是負嵎身尤展成百未詞梅村作物幻八詩頗極巧妙予謂其題近於詞為西江月小調足之繭虎云五道蠶叢初闢三盆虎圈俄修采桑秦女自風流翻學下車馮婦浴罷恰如得子纈成便可封侯綵絲束縛掛釵頭傍向盤龍欲鬪

茄牛

擊鼓喧闐笑未休泥車瓦狗出同游生成豈比東鄰犢
齧棘何來孺子牛老圃盤飧誇特殺太牢滋味入常羞

吳詩集覽

卷十四 上

七

看他諸葛貪游戲苦鬪兒曹巧運籌將題內二字合寫妙能自然○擊鼓

見卽事權載之詩車從競喧闐元裕之詩斜倚春風笑不休泥車瓦狗見虎邱夜集圖國語世同居少同游

易東鄰殺牛不如西鄰之禴祭是受其福左傳哀六年鮑子曰女忘君之為孺子牛而折其齒乎杜注孺

子茶也景公嘗銜繩為牛使茶牽之茶頓地故折其齒盤飧見避亂書傳特一牛也王子淵聖王得賢臣

頌羹藜含糗者不足與論太牢之滋味杜詩勅厨倍常羞三國志諸葛亮傳木牛流馬皆出其意游戲見讚

佛詩兒曹見松鼠史記高祖紀夫運籌策帷帳之中

尤展成茄牛云小菜放於牧野太牢起自田家樊遲老圃大開衙演出伯牛司馬入甕莫愁齧齧着鞭却喜了又兒童牽線笑

喧嘩唱到夕陽來下

鯊鰻

本草綱目勒魚出東南海中狀如鱈魚小首細鱗頭上有骨合之如鶴喙形乾者謂之勒

丁令歸來寄素書羽毛零落待何如雲霄豈有舖糟計
飲啄寧關逐臭餘雪比撒鹽堆勁翮蟻旋封垤附專車

秦皇跨鶴思仙去死骨何因葬鮑魚

亦以合寫見奇○
遼史地理志鶴野

縣本漢居就縣地渤海為鷄山縣昔丁令威家此去家
千年化鶴歸來集于華表柱以珠畫表云有烏有鳥丁
令威去家千年今來歸城郭雖是人民非何不學仙塚
纍纍張如哉曰寄素書用呼童烹鯉魚中有尺素書串
入窠字兼用鶴書赴隴語 羽毛見白燕吟零落見避
亂晉書熊遠傳攀龍附鳳翱翔雲霄楚辭眾人皆醉
何不哺其糟而飲其醪 飲啄見雞山曹子建與楊修
書海畔有逐臭之夫世說謝太傅寒雪日內集曰白
雪紛紛何所似兒子胡兒曰撒鹽空中差可擬傅休奕
鷹賦勁翮二六廣韻垤蟻封也陸佃曰蟻場謂之坻

吳詩集覽

卷十四上

亦謂之垤專車見二十五日詩史記秦始皇紀二十
八年遣徐市發童男女數千人入海求仙人三十七年
始皇崩于沙邱平臺棺載輜涼車中會暑上輻車臭乃
詔從官令車載一石鮑魚以亂其臭雲笈七籤若求跨
鶴昇九霄未易致也

吳漢槎和齋鶴云玲瓏玉骨倚風疎莫向綸竿怨豫
且散雪豈能伴皎鶴凌雲何意起枯魚身餘刀狙腥
猶在寵待軒墀翅自舒誰道波臣非羽駕琴高赤鯉
亦騰虛尤展成齋鶴云聞說枯魚欲泣何為化鶴
來歸霓裳玉珮自清輝入肆終慚形穢北海已成
速朽南山幾見高飛鯢鵬變化是耶非小作逍遙游
戲

蟬猴

仙蛻誰傳不死方最高枝處憶同行移將吸露迎風意

作就輕軀細骨糝薄髻影如逢越女斷腸聲豈怨齊王

內家近作通侯相賜出貂蟬傲粉郎

後四句更佳○蟬蛻見送何省齋不

死方見聞台州警

劉夢得詩清猿啼上最高枝同行見圓圓曲

耐風

古今注魏文帝宮人莫瓊樹始製為蟬鬢挈之

縹緲如蟬翼按越女葢用吳越春秋處女袁公事見聞

天台警第二首

世說桓溫入蜀至三峽中部伍有得

猿子者其母緣岸哀號行百餘里不去視其腹中腸皆寸斷

序

漢書劉向傳青紫貂蟬充

盈幄內沈雲卿詩盈盈粉署郎

吳漢槎和蟬猴云自許孤高飲露盤求林誰作野賓

看只憐風外吟枝穩

那識雲邊嘯侶寒無口詎需巴

客淚有綉宜着楚人冠君身可是孫供奉一賜金貂

認欲難

尤展成蟬猴云齊女一朝怨死王孫再世

吳詩集覽

卷十四上

九

嬉游三聲哀叫斷腸秋却恨當年無口 跳擲不憂 螳臂沸羹早兆羊頭從來蟬兔拜通侯問是沐猴冠 否

蘆筆

採箸編蒲課筆畊織簾居士擅書名掃來魯壁枯難用

焚就秦灰煮不成飛白夜窗花入夢草元秋閣雁銜橫

中山本是盧郎宅錯認移封號管城

合寫入妙○本草管城

生南方平澤根莖皆似小竹葉與籜似蘆荻漢書路溫舒傳取澤中蒲截以為牒編用寫書東觀漢記班超投

筆歎曰安能久事筆耕乎

南史沈麟士傳織簾讀書

手口不息鄉里號為織簾先生年過八十耳目猶聰明抄寫火下細書復成二三千卷居士見壽王子彥宣和書譜王珉字季琰工隸及行草自導至珉三世以書名

曾壁秦灰見蠹簡蘇詩飢來據空案一字不堪煮
書斷飛白者中郎蔡邕所作也王僧虔曰飛白八分之
輕者孟詩松月夜窗虛事文類聚李白夢筆生花自是
才思日進漢書揚雄傳時雄方草太元有以自守尸
子雁銜蘆而捍網退之毛穎傳毛穎者中山人也盧
郎見讚佛詩按盧思道范陽人杜詩恨不移封向酒
泉管城見和祭墨詩毛穎傳
始皇封諸管城號管城子

尤展成蘆筆云書帶草生筆冢墨池人在蘆中白頭
翁變黑頭公夜夜飛花入夢畫荻教成孺子編蒲
學近儒宗雁行銜去向
江東寫出錦書珍重

橋燈

掩映蘭膏葉底尋玉盤纖手出無心花開槐市枝枝火
霜滿江潭樹樹金繡佛傳燈珠錯落洞仙爭奕漏深沉

吳詩集覽

卷十四上

三

饒他丁緩施工巧不及生成在上林

有分有合分處皆合是筆力也○子

山燈賦秀華掩映蘭膏見廢檠玉盤見海戶曲纖手
見茉莉槐市見行路難枝枝見讚佛詩羣芳譜朱橋
實小色赤如火韋應物詩書後欲題三百顆洞庭須
待滿林霜江潭見送杜于皇王無功詩樹樹皆秋色羣
芳譜金橋一名金柑一名小木奴李元標詩朱實似懸
金山杜詩蘇晉長齋繡佛前傳燈見長安雜咏注李義
山詩綠樹傳燈珠錯落詞名有洞仙歌幽怪錄巴邛
人家有橋園霜後橋盡收斂有大橋如三斗盃巴人異
之剖開中有二叟鬚眉皓然肌體紅潤相對象戲談笑
自若一叟曰橋中之樂不減商山但不得深根固蒂爲
愚人摘下耳語畢忽不見漏沉沉見天寶遺事
詩丁緩見行路難注上林賦蘆橋夏熟

尤展成橋燈云金顆千頭火樹玉荷四照霜花書生
懷袖向窗紗長伴紅衣不夜心事任教分割風光
尙費周遮美人對影暗
嗟訝決意爲郎吹罷

桃核船

漢家水戰習昆明曼倩偷來下瀨橫三十漫成齊相計

五湖好載越妹行桑田核種千年久河渚槎浮一葉輕

從此武陵漁問渡胡麻飯裏棹歌聲分合入妙○首句見元武湖曼倩

見讚佛詩注漢武故事東郡獻短人指東方朔謂上曰王母種桃三千歲一實此兒已三過偷之矣漢書武帝紀甲為下瀨將軍下蒼梧注甲故越人歸漢者也晏子春秋公孫接田開疆古治子事景公以勇力聞晏子曰此危國之器也不若去之因謂公使人少餽之二桃曰三子何不計功而食桃公孫接曰不受桃是無勇也

援桃而起田開疆亦援桃而起古治子抽劍而起公孫接田開疆曰吾勇不子若功不子逮取桃不讓是貪也然而不死無勇也皆反其桃挈領而死古治子曰二子死之治獨生之不仁恥人以言而夸其聲不義亦反其

吳詩集覽

卷十四上

世

桃挈領而死五湖見避亂越妹見磬清湖註桑田見海戶曲漢武故事西王母出桃七枚以五與帝自啖其二帝留核曰此桃美欲種之母笑曰此桃三千年一着子非下土所植也河渚槎浮見海市一葉見鴛湖曲

桃花源記太康中武陵人捕魚為業忽逢桃花林便得一山山有小口便捨船從口入續齊諧志劉晨阮肇入天台山採藥見桃實食之身輕見一杯流出胡麻飯屑溪邊二女子笑曰劉阮二郎至矣漢武帝秋風

籬簫鼓鳴

兮發棹歌

尤展成桃核船云種自元都道士載從渡口漁翁小兒偷出碧雲宮頃刻帆檣飛動蘆葦似來江上竹

枝疑汎圖中桃根桃葉棹歌同兩槳春風吹送附錄魏子敬核舟記明有奇巧人曰王叔遠嘗貽余核舟

一蓋大蘇泛赤壁云舟首尾長約八分有奇高可二黍許通計一舟為人五為窗八為箚篷為櫂為爐為

壺為手卷為念珠各一對聯題名丹篆文為字共三十有四而其長曾不盈寸蓋簡桃核修狹者為之

蓮蓬人

獨立平生重此翁反裘雙袖倚東風殘身顛倒憑誰戲

亂服麤疎恥便工共結苦心諸子散早拈香粉美人空

莫嫌到老絲難斷總在污泥不染中後半首最佳○蘇詩晚歲人誰念此

翁 [新序] 魏文侯出游見人反裘而負芻祖孫登詩香

飄雙袖裏李詩笑倚東風白玉床殘身見松鼠補注

詩顛倒衣裳世說裴令公有儀容儀麤服亂頭皆好

宗子相詩蓮子比妾心妾心應更苦曹堯賓詩迎

風細苻傳香粉歐陽永叔詞蓮斷絲牽特地成惆悵周子愛蓮說出污泥而不染

尤展成蓮蓬人云妾比芙蓉解語郎如碧藕多思个

人憔悴倒懸時知道無心憐子空洞此中無物屈

強猶昔孤支亂頭粗服貌如斯未必六郎相似

吳詩集覽 卷十四上 三

戲詠不倒翁

掉首浮生半紙輕 九封就任縱橫何妨失足貪游戲

不耐安眠欠老成 儘受推排偏屈強屈渠勿勿 敢煩扶 強其亮切

策自支撐却遭桃梗妍皮詢此內空空浪得名才餘於 詩若不

經意而人自不能到○莊子鴻濛拊髀雀躍掉頭曰吾

弗知浮生見二十五日詩後漢書隗囂傳王元說置

曰元請以一丸泥為大王東封函谷關失足游戲見

二十五日詩北史韓麒麟傳安眠美食優于遷固也

老成見癸已稷飲後漢書方術傳吏人推排終不搖

動屈強見龍腹竹歌歸去來籬策扶老以流慈杜詩

枝撐聲窻翠戰國策士偶人與桃梗相與語桃梗謂

土偶曰子西岸之土也淄水至則汝殘矣舌諺妍皮不

裹痴骨世說王導指周顛腹曰卿此中何所有答曰

此中空洞無物但足容卿輩數百人浪得名見桃源縣

尤展成戲詠不倒翁絕倒尊前不倒翁此中何有只
空空但須掉首便行脚纔教翻身又直躬半醉半醒
妝強漢三眠三起弄頑童還愁
一跌成糞粉化作人間亡是公

吳詩集覽

卷十四上

三



一疑如蓋待以非人問一疑公
以顧黨三翻二步兵重軍靈怒
空空口頁其首更行湖
衣風如地病不餘餘
下如餘

吳詩集覽卷十四下

七言律詩四之下

海虞孫孝維三十贈言

海虞見玉京傳梅村金璠人墓誌銘余門人孫孝維

藩荀子贈人以言重於金石珠玉

法護僧彌並絕倫聽經蕭寺紫綸中

綸音

高齋點筆依

紅樹畫檝徵歌轉綠蘋一榻茶香專供佛五湖蝦菜待

留眉丈夫早歲輕名宦鄧禹無為苦笑人

寫出名士風流結句點三

十○晉書王珣傳法護珣小字也又王珣傳珣小字也時有外國沙門名提婆為珣兄弟講毗曇經絕倫見哭志衍蕭寺見楚兩生序正字通綸巾中名世傳孔明軍中服

吳詩集覽

卷十四下

一

之孔堂書鈔謝萬著白綸中高齋見汲古閣歌點筆見題孫銘常畫蘭紅樹見追敘西田賞菊舊約玉篇檝行舟具檝同樞叔夜詩徵歌發皓齒江詩東風轉綠蘋蘇詩清風一榻抵千金茶香見西田詩其二供佛見詠山茶花五湖蝦菜見避亂駱賓王詩陳遵投轄正留眉劇談錄九霞曰某山野之人早修直道無意於名宦金玉南史王融傳三十內望為公輔及為中書郎嘗撫案歎曰為爾寂寂鄧禹笑人

其二

招真臺下讀書莊總角知名已老蒼何氏三高推小隱

荀家羣從重中郎鬪茶客話千山雨寄橋人歸百顆霜

原江太末理官孝若其兄也地產橋最佳塵尾執來小思監義旻公同飯贊公

房與前首同妙第四句切定二十○招真治見虞山圖詩總角之冥史記豫讓布登無所知名杜詩結交皆

老蒼

南史何遜傳初遜二兄求點并棲遁至是遜又隱世謂何氏三高王康琚詩小隱隱林藪後漢書荀爽傳字慈明潁川為之語曰荀氏八龍慈明無雙後公

車徵為大將軍何進從事中郎南史謝澹傳昔荀中郎年二十九為北府都督范希文歐陽永叔俱有鬪茶歌千山見贈願雲師王逸少帖奉橘三百枚霜未降未可多得太末理官孝若見高涼司馬行慶尼豎義見代具師答杜因許入寄江寧旻上人詩不見旻公三十年又有大雲寺贊公房四首宿贊公房一首

其三

始立何容減宦情法曹有弟尚諸生松窗映火茗芽熟

貝葉研朱梵夾成金谷酒空消冶習曲江花落悟浮名

原注花落者為扶桑志感也年來恥學王懷祖初辟中兵捧檄行

吳詩集覽卷十四下

點出三十南史王僧虔傳誠子曰汝年入立境方應從宦晉書王衍傳吾少無宦情按梅村郭孺人壽序

孝維為孝若之異母弟而推官理刑名佐計典故云法曹耳非如後漢書百官志法曹主郵驛科程事也唐書

百官志法曹司法參軍事掌鞠獄麗法督盜賊知贓賄沒入差與理官相近諸生見題凌烟圖陸天錫詩松

窓燈下火夢溪筆談茶芽古人謂之雀舌麥穎言其至嫩也貝葉見贈蒼雪高千里詩滴露研朱點周易梵

夾見禮蒼公塔金谷見老妓行後漢書孔融傳樽中酒不空吾事畢矣冶習見無題曲江見晤陸子霞梅

村題自醉樓詩後余贈孫孝維詩有曲江花落悟浮名之句蓋指扶桑也一統志孫承恩字扶桑常熟人順治

戊戌一甲一名進士官修撰入直遇疾卒於邸晉書王述傳字懷祖年三十尚未知名王導以門地辟為中

兵屬盧江毛義府檄適至義捧檄而入喜動顏色傳序盧江毛義府檄適至義捧檄而入喜動顏色

五六皆舊語翻新益杯中皆有學佛語孝維逃禪故能空北海之杯亦不羨曲江之宴也

其四

高柳長風六月天青鞋白鞵向湖邊輕舟掠過破山寺

橫笛邀來大石仙原注孫氏之先遇仙于烏目山之六石王儉拜公猶昨

歲張充學易在今年種松記取合圍後樹下著書堪醉

眠五六切定三十〇高柳見遣悶宋書宗慤傳願乘長風青鞋布鞵見六章歌向湖見琴河感舊謝元暉詩惜哉無輕舟後赤壁賦掠予舟而西也破山寺見鶴如五十王少伯詩橫笛怨江月烏目山見虞山圖程迓亭曰陶隱居真誥會稽淳于斟入烏目山中遇仙人慧車子授以虹景丹經修行得道烏目山者虞山之別名卮志大石山房即慧車子授經處今孫氏祠堂在焉其石孫西川名艾者重鑿南史王儉傳領吏部時年二十八高帝踐祚建元元年改封南昌縣公又張充傳字延符少好逸遊左臂鷹右牽狗曰充聞三十而立

吳詩集覽

卷十四下

三

今充二十九年矣請至來歲及明年便修改多所該通尤明老易王詩種松皆作老龍鱗元裕之詩種柳金城已合圍著書見行路難

晉書阮籍傳方據案醉眠

贈錢臣辰

原注同年給諫公弟梅村錢臣辰壽序臣辰之長兄都諫曼修與余同年舉

進士鎮洋縣志錢增字哀卿號曼修崇禎辛未進士授行人擢兵科給事中轉刑科都給事乞

終養歸順治九年按撫交章薦增以母老辭錢

陛字如卿一字臣辰晚號訥齋家世鼎盛陛持

身清峻謙謹如布衣同懷七人極友愛兄給諫增沒撫其子廷銳如己子弟臺有外侮出貲營救不令弟知父沒遺券可萬金陛焚之子五

杜家中弟擅間身處士風流折角巾花萼一樓圖史遍

竹梧三徑管絃新東都眉客多同輩西息田園有主人

酒熟好從君取醉，脊令原上獨傷神。

起結俱從曼修着，筆中四句名士風。

流○杜家中弟見送趙友沂詩，題莊橙菴像，閒身見穆苑先往桐廬。蘇詩：處士風流水石間。後漢書：郭太傳嘗於陳梁間行，遇雨中一角笠，時人乃故折中一角以爲林宗巾。花萼見元夕圖史，見六重歌。竹梧見閩園詩。三徑見遣閩管絃見拙政園。西都賦：有西都實問於東都主人。隋書：沈光傳同董莫與爲比。陶詩：酒熟吾自斟。李詩：高歌取醉欲相慰。脊令見贈文園公錢臣辰壽序。年來踰臺有零落之嗟，燕尾有差池之感。

贈荊州守袁大韞玉 有序

袁爲吳郡佳公子，風流才調詞曲擅名。遭亂北

都佐藩西楚尋，以失職空囊僑寓白下扁舟歸。

里惆悵無家爲作此詩贈之。（一）統志：蘇州府表後漢：永建四年分

吳詩集覽

卷十四下

置吳郡。史記：平原君傳贊平原君翩翩濁世之佳公子也。程迓亭曰：袁韞玉名于令號籜菴。蘇州府志：袁于令字昭號籜菴。堯峯文鈔：卧雪

公袁褒生子，年萬歷丁丑進士。歷官陝西按察使，孫堪萬歷庚子舉人，歷官肇慶府同知。坊歷

官絳州州同，曾孫于令，歷官荊州知府。杜詩：遭亂意不歸。史記：貨殖傳：自淮北沛陳汝南

二郡此西楚也。良齋雜說：籜菴守荊州一日，謁某道卒，然問曰：聞貴府有三聲調圍棋。生闕

牌聲唱曲聲也。袁徐應曰：下官聞公亦有二聲道詰之曰：算盤聲。天平聲。板子聲。袁竟以此罷

官程迓亭曰：順治十年三月湖廣撫臣題叅袁予令等官十五員侵盜錢糧時布政使林德馨

已內陞左副都而工科給事張王治遂并劾之。此詩拙宦無家及歸來，唯四壁等語，特爲廉吏

暴白。左傳：昭十九年無或失職。杜詩：囊空恐羞澁。僑寓見西冷閨詠。

序注白下見琴河感舊序

曉日珠簾半上鉤少年走馬過紅樓五陵烽火窮途恨

三峽雲山遠地愁盧女門前烏柏樹昭君村畔木蘭舟

相逢莫唱思歸引故國傷心恐淚流四首在梅村集中亦推高唱起句是

吳郡佳公子三句遭亂四句佐藩五六就西楚說結句

倚窗○曉日見謁張石平廣子慎詩珠簾新上鉤王仲初詩半下珠簾半上鉤少年走馬見遇劉雪舫白詩

紅樓富家女五陵見銀泉山烽火見閩州行窮途見贈李雲田杜詩三峽樓臺淹日月五溪衣服共雲山

左傳隱五年且言遠地也舊唐書樂志魏武帝宮人有盧女者故將軍應叔之姊也七歲入漢宮學鼓琴善

為新聲高季迪詩盧女門前映落花烏柏樹見送龔孝升仇注杜詩昭君村在荊州府歸州東北四十里按

歸州於雍正六年改為直隸州十三年改屬宜昌府一統志昭君村在宜昌府興山縣南有昭君院又有昭君臺馬虞臣詩猿啼洞庭樹人在木蘭舟石季倫思歸

吳詩集覽

卷十四下

五

引詩序曰此曲有絃無歌今為作歌辭以述余懷恨時無知音者令造新聲而被于絲竹也

張如哉曰洛陽女兒名莫愁十五嫁為盧家婦梁武帝歌也古樂府莫愁歌莫愁在何處莫愁石城西容

齋隨筆云莫愁郢州石城人又石城女子莫愁曲聞歡下揚州相送楚山頭自是兩地兩人後人多混用

謂為盧莫愁此詩就西楚說亦是沿用盧莫愁耳非指魏武宮人也又曰晉西洲曲西洲在何處兩槳橋

頭渡日暮伯勞飛風吹烏柏樹樹下即門前門中露翠鈿按莫愁歌莫愁在何處莫愁石城西艇子打兩

槳催送莫愁來二詩俱用兩槳可見西洲即石城西也則門前烏柏樹即是用盧女事切西楚說非湊合

也與下句木蘭舟之在楚正同

其二

霓裳三疊遍天涯浪跡巴邱度歲華賴有狂名堪作客

誰知拙宦已無家西州士女章臺柳南國江山玉樹花

正遇秋風蕭索甚淒涼賀老撥琵琶

從詞曲擅名起二句指佐藩三句僑

寓白下四句惆悵無家後半歷落動人起結相應妙不着迹○霓裳疊見宮扇浪跡見楚兩生序巴邱見贈

家侍御唐書藝文志韓鄂歲華紀麗二卷狂名見雪

夜苑先齋中拙宦見再寄三弟西州見又咏古章

臺柳見鴛湖聞咏折柳注左傳昭七年楚子成章華之

臺注臺在今華容城內岳陽風土記華容世傳有章臺

非也古章華在今監利縣離湖上南國見蘆洲行玉

樹花見玉京彈琴歌注蕭索見哭志衍元詩賀老

其三

詞客開元擅盛名蕭條鶴髮可憐生劉郎浦口潮初長

吳詩集覽

卷十四下

六

伍相祠邊月正明擊筑悲歌燕市恨彈絲法曲楚江情

原注袁西樓樂府中有楚江情一齣

善才已死秋娘老濕盡青衫調不成

此首與其二同妙○杜詩詞客哀時且未還開元見老

妓行盛名見蓉清湖杜詩清秋鶴髮翁王會之詩羈

雌鶴髮可憐生一統志劉郎浦在荊州府石首縣西

北胡身之通鑑注石首縣沙步有劉郎浦蜀先王納吳

女處一統志伍相國廟在歸州東十五里祀伍員

史記刺客傳荆軻日與狗屠及高漸離飲於燕市酒酣

以在高漸離擊筑荆軻和而歌於市中江總持詩彈

絲命琴瑟唐書禮樂志明皇既知音律又酷好法曲按

西樓記標目有種愁根幾句楚江情非齣名也高齋

詩註琵琶錄云元和中曹保有子善才善才有子綱皆

能琵琶百詩曲罷長教善才服糲成

每被秋娘妬又江州司馬青衫濕

宋牧仲筠廊偶筆袁箏庵以西樓傳奇得盛名與人

談及輒有喜色一日出飲歸月下肩輿過一大姓門

其家方燕賓演霸王夜宴輿人云如此良夜何不
唱獮戶傳嬌語乃演千金記耶豫菴狂喜幾墮輿

其四

湘山木落洞庭波杜宇聲聲喚奈何千騎油幢持虎節
扁舟鐵笛換漁蓑使君灘急風濤阻神女臺荒雲雨多

楚相歸來唯四壁故人優孟早高歌

此首是四章結語而於扁舟歸里惘

悵無家又加意寫出也○史記秦始皇紀注湘山者乃
青草山山近湘水一統志君山在岳州府巴陵縣西南
洞庭湖中一名湘山亦稱洞庭山楚辭洞庭波兮木葉
下杜宇見送林鶯者歸閣詩後世說桓子野每聞清
歌輒喚奈何堅瓠集袁穉菴失職後題寓所一聯曰佛
言不可說不可說子曰如之何如之何千騎見雕橋
莊歌油幢見贈馬督府周禮掌節山國用虎節鐵笛
見避亂鄭守愚詩漁人披得一蓑歸一統志使君灘

吳詩集覽

卷十四

七

在宜昌府東湖縣西一百一十里夫江中風濤見自信

一統志陽雲臺在四川夔州府巫山縣西北宋玉賦
云遊陽雲之臺望高唐之觀卽此也舊志按司馬相如
子虛賦前言楚王獵於雲夢後言登雲陽之臺孟康注
云雲夢中高唐之臺據此當在今荊州及漢陽境然宋
賦言神女在巫山之陽高邱之阻朝朝暮暮陽臺之下
則陽臺在巫山理亦有之若高唐則實在雲夢不在巫
山也雲夢澤在德安府安陸縣南五十里東南接雲夢
縣界杜詩雲雨荒臺豈夢思四壁見送周子俶史
記滑稽傳優孟者故楚之樂人也長八尺多辯常以談
笑諷諫楚相孫叔敖知其賢人也善待之病且死屬其
子曰我死汝必貧困若往見優孟言我孫叔敖之子也
居數年莊王置酒優孟前爲壽因歌曰廉吏可爲而不
可爲於是莊王謝優孟乃召孫叔敖子封之寢邱四百
戶

吳之紀字天章春日袁荊州令昭過訪百花洲口占
二絕契濶經今兩白頭建牙吹角古荊州東山嘯咏

西樓夢故國重逢話昔遊一曲才成傳樂府十千
隨到付纏頭當時記得輕分手王粲高樓鸚鵡洲

送楊懷涓擢臨安令

程迓亭曰楊懷涓名琳成都人張獻忠屠蜀得之以與李

定國為養子常為軍鋒定國死來降以武階改文職得太倉州判轉臨安知縣罷官家州中一統志臨安縣在杭州府西北一百里

聽松鈴閣放衙陰飛瀑穿階石室琴許掾仙居丹井在

謝公游策碧雲深山農虎善樵微徑溪女蠶忙採遠林

此地何王誇衣錦錦城人起故鄉心

原注今成都人臨安乃錢鏐衣錦城

也切定臨安風景結有別趣○李詩愛聽松風日高臥鈴閣見鴛湖感舊放衙見簡姜明府錢仲文詩千峯挂飛瀑空參詩逆筍穿階踏還出漢書司馬遷傳紬史記石室金縢之書李義山詩許掾全家道氣濃李

吳詩集覽

卷十四下

詩幽簾清寂若仙居杭州府志九仙山在臨安縣西一

十五里葛仙翁許邁煉丹之地又於潛縣許游丹井在

觀山許邁丹井在雲封菴杜詩遊山憶謝公周禮

三農注山農澤農平地農也王詩階前虎心善蘇詩江

上有微徑杜詩溪女得錢留白魚蠶忙見簡姜明府

李巨山詩搖颺徧遠林嘉靖臨安縣志錢武肅王衣

錦還鄉盛燕父老山林皆覆以錦故名臨安為十錦衣

錦營衣錦山衣錦南鄉衣錦北鄉錦溪錦橋畫錦堂畫

錦坊保錦坊衣錦將軍樹錦城見玉京墓

史記項羽紀富貴不歸故鄉如衣錦夜行

登縹緲峯

見古言古

絕頂江湖放眼明飄然如欲御風行最高尚有魚龍氣

半嶺全無鳥雀聲芳草青蕪迷遠近夕陽金碧變陰晴

夫差霸業銷沉盡楓葉蘆花釣艇橫

舊說三語狀湖之廣四語狀峯之高

張如哉曰寫得縹緲意象出五六句更為神到。絕頂見得願雲書曹毗黃帝贊飄然跨騰鱗御風見凌烟圖序劉文房詩獨有魚龍氣半嶺出晉書阮籍傳鳥雀見松鼠吾中孚詩青蕪平野四圍山桃花源記忘路之遠近劉子翬詩金碧消磨瓦面星王詩陰晴衆壑殊晉書熊遠傳恢霸業於來今銷沉見茸城行楓葉蘆花見壽陸孟鳥小爾雅小船謂之艇

過席允來山居

梅村席允來墓誌余往來洞庭東山則必訪席君允來氏君諱元泰

謝靈運有山居賦

碧梧門巷亂山邊灑掃雖頻得自然石筍一林雲活活

藥欄千品雨娟娟養花性為先人好種樹經從伯氏傳

社酒已濃茶已熟客來長繫五湖船

山居幽事描寫殆盡于允來尤為貼

吳詩集覽

卷十四下

九

切○退之馬少監誌翠竹碧梧鸞鳴停峙時能守其業者也雍國鈞詩村原門巷都相似亂山見園次罷官自然見西田詩雲林石譜石筍所產凡有數處一出鎮江府黃山一產商州一產益州詩北流活活杜詩乘興還來看藥欄娟娟見西田詩允來墓誌自其父震湖君世居莫釐峯下有茶癖以善種花得養性術年九十五而終允來孝友似其父養花尤擅家風史記李斯傳所不去者醫藥卜筮種樹之書按允來墓誌其父震湖公以心泉君濡之子出後於叔南濱則伯氏即心泉君於允來當為伯祖也杜詩田翁逼社日邀我嘗春酒茶熟見虎邱夜集圖

按詩傳活活水聲也雲活活蓋即李長吉銀浦流雲學水聲之意

贈武林李笠翁

原注笠翁名漁能為唐人小說兼以金元詞曲知名漢書藝文志

小說家者流蓋出於稗官宋書王微傳至二十左右方復就觀小說陳後山詩話傳奇唐裴珣

所著小說也

家近西陵任薜蘿十郎才調歲蹉跎江湖笑傲誇齊贅
雲雨荒唐憶楚娥海外九州書志怪坐中三疊舞廻波

前身合是元真子一笠滄浪自放歌

切定笠翁身分三四更佳○西陵橋

名見題河渚圖注楚辭被薜荔兮帶女蘿

霍小玉傳

素聞十郎才調風流今又見容儀雅秀名下固無虛士

蹉跎見送何省齋笑傲見閨園詩史記滑稽傳淳于

髡者齊之贅婿也

杜詩雲雨荒唐臺豈夢思莊子天下

篇繆悠之說荒唐之言溫飛卿詩楚娥攀樹獨含情

史記孟子傳騶衍乃深觀陰陽消息而作怪迂之變謂

中國外如赤縣神州者九乃所謂九州也子是有裨海

環之如此者九乃有大瀛海環其外志怪見二十五日

詩三疊見贈袁蘊玉樂府解題迴波樂商調曲與嘯

春鶯烏夜啼之類謂之軟舞

前身見圓圓曲唐書

吳詩集覽

卷十四下

十

隱逸傳張志和字子同婺州金華人自稱烟波釣徒著

元真子亦以自號續神仙傳元真子會稽山陰人也

一笠見西田詩放歌見送田鬣淵

贈崑令王莘雲尊人杏翁

原注永平人

統志崑山縣在蘇州府東少

北七十里永平府在京師東五百五十里蘇州府志崑山縣知縣王簡字莘雲撫寧人拔貢順

治十六年九月在

十七年八月劾去

半載江南客未深玉山秋靜夜沉吟九邊田牧思班壹

三輔交游識季心快馬柳城常命酒軟輿花縣暫聞琴

白頭閒說西京事會記循良久賜金

原注莘雲有能名未半載以錢糧報

罷半載字暫字久字俱用意然是贈杏翁語非贈莘雲語也於句中言外得之○統志玉山草堂在崑山

縣西界溪上亦曰玉山佳處顧仲瑛有玉山佳處以愛汝玉山草堂靜分韻詩沉吟見送何省齋 廣輿記明初設遼東宣府大同延綏四鎮繼設寧夏甘肅薊州三鎮又以山西偏頭三關陝西固原亦稱二鎮是爲九邊田牧見壽王鑑明氏族考班壹秦末避地樓煩以財雄邊故北方多以班爲字者 三輔見退谷歌史記季布傳季布弟季心氣蓋關中方數千里士皆爭爲之死快馬見雜感一統志柳城廢軍在永平府昌黎縣西南皇甫茂政詩命酒闌令酌 王仲初詩步步金階上軟輿李詩河陽花作縣嚴正文詩因聽子賤琴 元詩白頭宮女在閒坐說元宗西京見維陽行 循良見越南廂園叟漢書循吏傳黃霸字次公爲潁川太守賜爵關丙侯黃金百劬

後漢書烏桓傳曹操大破蹋頓於柳城魏志引軍出盧龍塞經白檀歷平剛涉鮮卑庭東指柳城綱目質實柳城故城在永平府城西二十里而與集覽俱以盧龍塞爲盧龍縣吾意不然今之盧龍縣卽漢肥如

吳詩集覽

卷十四

下

七

縣也隋開皇十八年始改新昌爲盧龍唐武德二年再收肥如爲盧龍在操時本無此稱操於二十里內不賈勇徑進而紆迴曲折由白檀平剛以歷涉五百里之遙曾能軍者而如是耶而又何貴乎田疇之導况前漢白檀縣屬漁陽平剛縣屬右北平自永平達柳城二十里之間其無此兩縣可知也田疇傳出盧龍在上徐無後而徐無山在今遵化州州在永平府西操自無終回軍無終卽翁同在今薊州北若由薊州至盧龍縣則不得謂之同矣又何以先入盧龍縣而後上徐無哉至集覽以白檀爲徐無東北之山質寔曰山在密雲縣南二十五里古有白檀樹故名其檀樹之有無姑弗深考然五百里之內宜舉其大者要者未有甫舉徐無而又指此山者也且操破蹋頓攻其無備也先至永平已使之有備矣而又旁出空虛以幸其無備操之智必不出此蹋頓能偵知操於未至柳城二百里之外而不能追偵操於初發永平二十里之內豈事理之可信者哉竊意漢之盧龍所該者遠而曰塞曰口蓋於古北口爲近故一統志謂白

檀縣在今古北口外承德州界而平剛當更遠以其
近於鮮卑故可以東指柳城耳晉書樂志改巫山高
為屠柳城言曹公越北塞歷白檀破三郡烏桓于柳
城也可以為証遼史以錦州之廣寧縣當漢柳城縣
一統志雖辨其誤然永平之柳城縣在昌黎縣西南
者唐永泰元年置蔚宗承祚豈能預取隋地而書
之集覽質寔亦欲漢魏人觀後世書耶 顧寧人京
東考古錄辨柳城甚詳而於盧龍則未之及朱竹垞
日下舊聞引呆齋集梁氏園在今京師西南五六里
其外有舊城舊城者唐藩鎮遼金別都之城也唐時
為范陽藩鎮安史反後更名盧龍而所治幽州薊縣
不改今移薊以名州移盧龍以名縣各去此數百里
其寔唐之盧龍與薊在此也按此則盧龍去幽州甚
近距永平之柳城軍可云五百里矣然安史反後始
更名盧龍承祚作三國史不能預知安史之變也一
統志柳城故城在土默特右翼西漢書地理志遼西
郡柳城縣西部都尉治操破蹋頓猶後漢也魏志
柳城蓋指此而梅村此詩自用永平之柳城軍耳

吳詩集覽

卷十四

下

七

客譚雲間帥坐中事

此當亦為松江提督馬逢知作也見茸城行

五茸絲管妓堂秋奪得蛾眉付主謳豈是絕纓諸將會

偶因行酒故人留青尊有恨攀他手白削無情笑者頭

若遇季倫西市日可宜還墮綠珠樓

起結相應描寫處喚醒處情致俱佳

與過吳來之竹亭湖墅迥異蓋一則懷舊情深一則諷
刺示戒也○五茸見茸城行絲管妓堂見老妓行 蛾
眉見永和宮詞主謳見老妓行 說苑楚莊王賜羣臣
酒酒酣獨滅乃有人引美人之衣者美人援絕其冠纓
告王王命左右羣臣百有餘人皆絕去其冠纓而上火
卒盡歡而罷諸將見哭志衍 史記魏其武安侯傳魏
其侯為壽獨故人避席耳餘半膝席灌夫不悅起行酒
至武安武安膝席曰不能滿觴夫怒因嬉笑曰將軍貴
人也屬之靖武安不肯行酒次至臨汝侯臨汝侯方與
程不識耳語又不避席夫無所發怒乃罵臨汝侯武安

遂怒曰此吾驕灌夫罪乃令騎留灌夫灌夫欲出不得籍福起為謝案灌夫項令謝夫愈怒不肯謝武安乃麾騎縛夫置傳舍 青尊見嘲張南垣本事詩也應攀折他人手按詩意是反用史記滑稽傳握手無罰目眇不禁也 (三國志甘寧傳寧引白削置膝上呵謂都督曰寧尚不惜死卿何以獨惜死乎史記平原君傳民家有甕者平原君美人居樓上臨見大笑之明日甕者至平原君門請曰臣願得笑臣者頭平原君笑應曰諾終不殺居歲餘賓客稍引去平原君怪之門下一人前對曰以君之不殺笑甕者以為君愛色而賤士于是平原君乃斬笑甕者美人頭 季倫見駕湖曲西市見老妓行 綠珠見老妓行詳七言絕墮樓

袁子才曰茸城友人嘗談馬逸事馬少出行伍遭逢世難故妻為人掠賣馬費另娶而故妻聞之叩閣上謁馬內之抱首慟哭故妻亦生子矣築別館以養其夫妻子母軍中稱之曰夫人曰公子與其夫人均禮馬西市日其故妻與故妻之夫及子亦被誅

吳詩集覽 卷十四下

別維夏

惆悵書生萬事非 赭衣今抵舊烏衣 六朝門第鴉啼遶

九月關河木葉飛 庾嶺故人猶未別 原注維夏叔增城公子彥 燕山

游子早應歸 正逢漉酒登高會 執手西風歎落暉 此首與送

維夏牽染北行當屬一時作情致歷落○惆悵見西田詩書生見壽龔芝麓萬事非見越南廂園叟司馬子長報任安書魏其大將也衣赭衣烏衣見白燕吟六朝見元武湖注鴉啼見吳令之任沈雲卿詩九月寒砧催木葉 庾嶺見歎王子彥子彥見短歌 燕山見送龔孝升游子見別字令弟陶詩漉我新熟酒 執子之手 秬牧之九日登 高詩不用登臨歎落暉

庚子八月訪同年吳永調於錫山有感賦贈 庚子順治

十七年常州府志崇禎辛未進士吳其馴
無錫人兵部員外錫山見贈伯成明府

廿載京華共酒尊
十人今有幾人存
原注京師知己爲
真率會今其人零
落已盡
多愁我已嫌身世
高卧君還長子孫
士馬孤城喧

渡口雲山老屋冷
溪門相逢萬事從
頭問樺燭二條照

淚痕

起結相應第五句跟三句說第六句跟四句說○
京華見贈陸生按酒尊字出後漢書王霸傳

詩千家今有百家存

又心弱恨多愁身世見西田詩

高卧見退谷歌史記平準書爲吏者長子孫士馬

見送朱遂初邱爲詩渡口流水寬

趙閱道詩溪邊老

屋斜溪門見避亂

玉篇樺木皮可以爲燭西溪叢話

天聖初竇貞固知貢舉舊制夜試以三燭爲限唐詩紀

事權德輿云三條燭盡燒殘士子之心八韻詩成驚破

試官之膽杜詩

雙照淚痕乾

古

其二

杖藜何必遠行游
抱膝看雲鶴鬢衰
天遣名山供戶牖

老逢佳節占風流
干戈定後身還健
花月閒時我欲愁

莫歎勝情無勝具
亂峯深處着高樓

原注永調有足疾
起結相應中四

承轉入妙○杜詩明日看雲還杖藜

三國志諸葛亮

傳注常抱膝長嘯看雲見虎邱圖晉書謝萬傳著白綸

中鶴鬢衰
名山見揖山樓祖詠詩南山當戶牖

詩每逢佳節倍思親
杜詩明年此會知誰健

王湛傳子安期至下邳登山北望歎曰人言愁我始欲

愁矣
世說許掾好游山水而體便登涉時人云許非

徒有勝情寔有濟勝之具
采子

詩高旻矗亂峯古詩西北有高樓

其三

黃花秋水五湖船客髻蕭騷別幾年老去妻孥多下世
窮來官長有誰賢酒杯驅使從無分書卷消磨絕可憐
賸得當時舊松菊數間茅屋對晴川此首自述近况情致渺然○黃花見後東臯歌
駱賓王詩客鬢年年異薛大拙詩風地葉蕭騷謝茂秦詩別後幾年兒女大下世見饔清湖序
杜詩徒步翻憂官長怒又詩酒尙堪驅使在陽永叔詩一生勤苦書千卷萬事消磨酒百分杜詩男兒性命絕可憐
松菊見九峯草堂歌韓詩茅屋數間而已矣晴川見孝若山樓

其四

虛臺便闕信沉沉話及清郎淚不禁到處風波寧敢恨
僅存兄弟獨何心南州師友江天笛北固知交午夜砧

吳詩集覽

卷十四下

五

從此溪山避矰繳暮雲黃葉閉門深

此首寫透有感是贈詩本意○百詩

銀臺金闕夕沉沉清郎見清風使節圖風波見鴛湖曲答蘇武畫陵獨何心後漢書徐穉傳此必南州高士徐孺子也又李膺傳以同郡荀淑李膺爲師友韋應物詩遠聽江上笛北固見閨園序知交見送周子傲戴幼公詩松門午夜風季有中詩漸聽夜砧鳴溪山見避亂矰繳見哭志衍易林桑芳將落隕其黃葉

翫此詩語意益諸監國僞立時永調知舊有入其簿錄者也虛臺便闕已成荒烟蔓草矣張如哉曰此首語意似有感於周芮公而作寄芮公詩序云南徐夜月北固江聲笑談甚適宦從皆賢與此之南州師友北固知交相合又云江南近信已泊樓船京峴舊遊皆非樂土何必無諸臺上始接烽煙歐冶城邊纜開壁壘與此之到處風波相合話及清郎卽所云入主銓衡地當清切也或永調亦庚午受知於芮公與

梅邨爲同門
生歟俟考

送張玉甲憲長之官邛雅

昭代叢書古燕張能鱗玉甲畿輔通志能鱗大

興人順治丁亥進士四川通志能鱗順治十八年分巡上南道駐劄嘉定州史記大宛傳出邛

嶺正義曰邛今邛州嶺今雅州一統志建昌上南道駐寧遠府兼轄嘉定雅州二府眉邛二州

秋水連天棹五湖勞勞亭畔客心孤飄蓬宦跡空迢遞

浩劫山川尙有無石鏡開花惟自照邛筒憶酒向誰沽

蕭條大散關頭路匹馬西風入畫圖

前半首送張玉甲後半首之官邛雅

第四句最佳五六從此句涵泳而出○劉文房詩洞庭秋水遠連天勞勞亭見送遠圖歌心孤見礬清湖

飄蓬見江樓別字令宦蹟見送玉藉茅迢遞見送何省齋浩劫見呈李太虛一統志武擔山在成都縣城

吳詩集覽

卷十四下

去

內北隅揚雄蜀本紀武都有丈夫化爲女子蜀王納以爲妃未幾物故王發卒之武都擔土堊於成都郭中號曰武擔以石鏡一枚表其墓杜詩暗飛螢自照邛筒酒見送志行入蜀杜詩酒憶邛筒不用沽散關見圖

圖

其二

劍外新傳一道通十年羣盜漫稱雄橫刀割取青神渡

烈火燒殘白帝宮豈有山川歸李特猶能車馬識文翁

誰將牛斗龍泉氣移在天彭井絡中

原注張從江南學使者遷是職前

半言蜀疆初定追溯兵擾五六遞轉至玉甲結句切合地理兼用張姓事○杜詩劍外官人冷一道通見二十五日詩史記李斯傳關東羣盜多後漢書袁紹傳

橫刀長揖徑出一統志青神縣在眉州南八十里五渡

山在青神縣東十里水經山下繞流屈曲渡處凡五因
名書烈于猛火一統志白帝故城在夔州府奉節縣
東水經注江水經永安宮南諸葛亮受遺詔處也夔州
府志永安宮今爲府儒學基晉書李特載記元康中
氏齊萬年反關西擾亂特隨流人將入蜀至劍閣箕踞
太息顧盼險阻曰劉禪有如此之地而吾縛於人豈非
庸才耶文翁見閬州行牛斗見送龔孝升注晉書
張華傳有雙劍並刻題一日龍泉一曰太阿其夕斗女
間氣不復見焉一統志邛州雅州府天文井鬼分野
鶉首之次水經注秦昭王以李冰爲蜀守見氐道縣有
天彭山兩山相對其形如闕謂之天彭亦曰天彭闕一
統志彭門山在彭縣西北明統志在縣北三十里兩峯
對立如闕各天彭門河圖括地象岷山之
精上爲井絡李義山詩井絡天彭一掌中

其三

岷峨悽愴百蠻秋路折
叩喙九坂愁城裏
白雲從地出
馬前黑水向人流
松番將在看高臥
雪嶺僧歸話遠遊

吳詩集覽

卷十四下

十七

欲問辟支諸佛土
貝多羅樹卽關頭

原注雅州關外卽烏思藏切定叩

雅三四更工○杜詩岷峨氣悽愴百蠻見送杜敬武

漢書王尊傳先是王陽爲益州刺史行部至邛邽九折

坂一統志邛來山在雅州府榮經縣西南又白雲泉

在雅州府黎州宅東從白塔谷前取水穴城東以入始

以木槽承之分爲四大井書華陽黑水惟梁州揚子

雲益州箴華陽西極黑水南流一統志松潘衛在龍

安府西少北三百里高臥見退谷歌杜詩劍閣星橋

北松州雪嶺東一統志雪山在龍安府松潘衛西陽

雜俎于闐國贊摩寺有辟支佛鞞佛土用以寫經一統志打

陽雜俎貝多樹出摩伽佗國西土古爲荒服地雍正七

年設雅州府同知分駐其地兼轄番漢自裏塘巴塘以

番直抵西藏延袤數千里悉入版圖而打箭爐寔爲諸
番朝貢互市之要口云西藏歷周及隋猶未通中國唐

貞觀八年有吐蕃弄贊者始遣使者來朝元世祖時置烏斯藏郡縣其地以吐蕃僧入思巴爲大寶法王帝師領之明置烏斯藏朶甘二指揮司及宣慰司招討司萬戶府千戶所順治九年來朝其地有四日衛曰藏曰喀木曰阿里衛在四川打箭爐西北三千里卽烏斯藏也薛大拙詩孤絕落關頭

其四

錦官春色故依然料理蠶叢半壁天葛相祠堂尋有蹟

譙元門戶訪誰傳還家杜宇三更夢寄遠苜蒲十樣箋

此去壯游何所恨思君長問楚江船前半首慰勉玉甲後半首寫得送字

深切○元和志錦城在成都縣南十里故錦官城也杜詩錦江春色來天地蠶詩高僧一笑故依然料理見

送王藉茅蠶叢見山水圖歌邱仲深詩撐起炎州半壁天賈閔仙詩葛相行師自渡瀘杜詩丞相祠堂何處

吳詩集覽

卷十四下

六

尋一統志譙元字君黃閩中人能說易春秋成帝時對策高第拜議郎遷中散大夫公孫述僭號徵之不起子瑛善說易門戶見送王維夏杜宇見送林衡者詩後黃庚字星甫詩半窗明月三更夢李義山詩欲織相思花寄遠微之薛濤寄花箋百餘幅題詩寄贈別後相思隔烟水苜蒲花發五雲高章望之延漏錄益州出十樣鸞箋杜有壯遊詩楚江見送沈旭輪

哭中書趙友沂兼柬其尊甫洞門都憲江南通志趙開心字

洞門長沙人寄籍江都三爲御史大夫敢言直諫屢黜不顧仕至工部尚書子而汴伉爽負才

官內閣中書揚州府志洞門崇禎甲戌進士

長沙才子九江船集作御史臺西月正圓兩省親朋歡

笑日一官詩酒亂離年朱樓有淚看楊柳白髮無家聽

杜鵑太息賈生歸未得湘花湘草夕陽邊

多從洞門着想聲情俱佳

○長沙見卽事第九首九江見閬園詩

通典御史之名至秦漢爲糾察之任所居之署漢謂之御史臺亦謂之蘭臺寺梁及後魏北齊或謂之南臺

唐書魏謩傳兩省屬皆可議朝廷事賈幼鄰有早朝大明宮呈兩省僚友詩親朋見塗松晚發

朱樓見揚州看楊柳見琴河感舊序

杜鵑見送林衝者詩後

更記賈生傳賈生洛陽之人年少盧弼

詩少婦不知歸未得

張如哉曰長子當是才子王詩長沙不久留才子西征賦賈誼洛陽之才子又與第七句相應也湖廣通志而忤廢補中書

舍人有才子之曰

吳園次見人扇頭是友沂絕句愴然和之歌板當年出絳紗綠腰紅袖盡鉛華只今便面春風在曾向章

臺拂柳花

吳詩集覽

卷十四下

九

贈學易友人吳燕餘

許九日秋水集燕餘杜門註易挈拾自資爲墨吏所辱抱

恨而死時年六十四程迺亭曰燕餘常熟人

風雨菰蘆宿火紅胥靡憔悴過墻東吞又夢逐虞生放

端策占成屈子窮縱絕三編身世外橫添一畫是非中

道人莫訝姚平笑六十應稱未濟翁

象外寰中用意精切○菰蘆見送杜

子皇章應物詩空林無宿火胥靡見送王維夏後漢書逢萌傳避世牆東王君公

虞翻別傳臣郡吏陳桃

夢臣與道士相遇放髮被鹿裘布易六爻撓其三以飲

臣臣乞盡吞之道士言易道在天三爻足矣豈臣受命

應當知經吳志虞翻傳孫權積怒非一徙翻交州雖處罪放而講學不倦楚辭詹尹乃端策拂龜曰君將何以教之更記屈原傳讒人間之可謂窮矣史記孔子世家讀易韋編三絕身世見贈願雲師謝應芳詩方

從易外窮義畫張如哉曰漢書京房傳治易以孝廉
為郎元帝以房為魏郡太守去至新豐因郵上封事曰
臣前以六月中言遯卦不效法曰道人始去寒涌水為
災至其七月涌水出臣弟子姚平謂臣曰房可謂知道
未可謂信道也房言災異未嘗不中今涌水已出道人
當逐死尚復何言臣曰陛下至仁於臣尤厚雖言而死
臣猶言也平又曰房可謂小忠未可謂大忠也昔秦時
趙高用事有正先者非刺高而死高威自此成故秦之
亂正先趙之今臣得出守郡自詭效功恐未效而死惟
陛下母使臣塞涌水之異當正先之死為姚平所笑
丹鉛錄程子遇青城絳桶翁乃
知未濟三陽失位為男窮之義

其二

註就梁邱早十年石壕呼怒葦門前范升免後成何用
甯越鞭來絕可憐人世催科逢此地吾生憂患在先天

吳詩集覽

卷十四

下

廿

從今耶上田休種簾肆無家取百錢

前首含蓄不露此首乃贊言之燕餘

蓋亦罹奏銷案內者起結點染學易漢書儒林傳梁邱賀字長翁琅邪諸人也從大中大夫京房受易

石壕吏詩更呼一何怒禮王有葦門圭竇

後漢書范

升傳字辯卿代郡人也習梁邱易光武徵詣懷宮拜議郎遷博士後為出妻所告坐繫得出還鄉里永平中為聊城令坐事免卒於家

張如哉曰晉書王承傳遷東

海太守有犯夜者為吏所拘承問其故曰從師受書不覺日暮承曰鞭撻甯越以立威名非政化之本使吏送

令歸家絕可憐見訪吳永調

唐書陽城傳催科政拙

宋史趙方傳催科不擾是催科中撫字

易作易者其

有憂患乎

又先天而天不違

一統志鄆縣故城在成

成都市裁日閱數人得百錢足

自養則閉肆下簾而受老子

張如哉曰文選過秦論注以甯越為趙人引呂氏春秋甯越謂趙將孔青內攻事與此詩不合淮南子甯

戚欲干齊桓公困窮無以自達為商旅將任車暮宿于郭門外桓公郊迎客夜開門辟任車爇火甚眾越飯牛車下擊牛角而疾商歌桓公命後車載之授以政按此則甯越卽甯戚南唐書元宗嘗見牛晚臥美陰曰牛且熟矣李家明詠諧曰曾遭甯戚鞭敲角又被田單火燎身閑向斜陽嚼枯草近來問喘更無人梅村此詩正用王承傳而兼用家明語也又前漢藝文志甯越一篇中牟人為周威王師與過秦論之甯越俱另是一人

壽繼起和尙

繼起見送天台

故山東望路微茫講樹秋風老着霜不羨紫衣誇妙相
惟憑白足遍諸方隨雲舒卷身兼杖與月空明詩一囊

台頂最高三萬丈道人心在赤城梁

時繼起在天台故用振錫語第二句

吳詩集覽

卷十四下

廿

暗寫壽字○故山見猿罕參詩故園東望路漫漫微茫見宿福源精舍講樹見讚佛詩高承事物紀原則天朝僧法朗等賜袈裟僧之賜紫自天后始鄭守愚詩愛僧不愛紫衣僧梁簡文帝大法王序降茲妙相諸佛力白足見訪文學博傳燈錄有僧辭歸宗云往諸方學五味禪歸宗云我這裏有一味禪為甚不學敖陶孫詩品陶彭澤如絳雲在霄舒卷自如杜詩接宴身兼杖摩詰與裴秀才書輒水淪漣與月上下東坡集庭中如積水空明杜詩有作成一囊台頂見閩台州警注道人見西田詩赤城梁見閩台州警張如哉曰道人梅村自指卽欲往從之之意

惠山二泉亭爲無錫吳邑侯賦

一統志慧山泉在無錫縣西惠山東

麓陸羽品爲天下第二泉泉上有亭無錫見送
堵伊令按常州府志康熙三年無錫知縣吳興
祚遼東清河人則吳令卽伯成而與七言古命
題輕重迥異然此詩編在南歸以後必非天啟

五年之無錫令吳太朴也張如哉曰梅村有雲起樓記云無錫吳侯爲治之三年政成化洽始用事於惠泉之山亭侯諱興祚字伯成康熙七年九月記此詩宜編次于後而錯簡於此卷之末耳

九龍山半二泉亭水通名標陸羽經寺外流觴何處訪

公餘飛鳥偶來聽丹凝高閣空潭紫翠濕層巒萬樹青

治行吳公今第一此泉應足勝中冷寫出亭之勝槩七八句點染無錫吳

三字○九龍山見玉京墓一統志惠山寺第二泉在焉水通見永和宮詞陸羽見西田和韻王逸少蘭亭

序引以爲流觴曲水王元之詩公餘多愛入林泉後漢書王喬傳喬爲葉令有神術每月朔望詣臺朝帝怪

其來數密令太史伺之有雙鳧從東南飛來舉網張之得雙鳧乃所賜尚書官屬腹也宋史張愈傳眠雲聽泉

吳詩集覽

卷十四下

三

王子安滕王閣序飛閣流丹空潭見謁剖公李才

江詩鳥逐翠微濕層巒見虎邱夜集圖吳叔庠詩樹青

草未落漢書賈誼傳文帝初立聞河南守吳公治平爲天下第一中冷見壽陸孟昌

贈張以韜來鶴詩梅村來鶴集序新安張君以韜僑居虞山有鶴來集其庭一時文士所投贈之作而乞余爲之序程迓亭曰以韜名文鉞新安人寓居常熟

草聖傳家久著聞斗看孤鶴下層雲路從蓬島三山遠

影落琴川七水分自是昂藏矜鳳侶休教嫉妬報鷄羣

春風一樹梅花發耐守寒香孰似君多從鶴字點染如壽鶴如鶴洲草堂

之類末以梅伴說用林和靖妻梅子鶴意○杜詩張旭三杯草聖傳又盪胸生層雲李義山詩蓬島烟霞

蘭苑鐘宋崑詩來經玉樹三山遠琴川七水見琴河感舊題注北史高昇傳其父以其昂藏敖曹故以名

字之(高嶠詩)駕言尋鳳侶(離騷)各興心而嫉妬(晉書)嵇紹傳)昂昂然如野鶴之在雞羣(盧仝詩)相思一夜梅花發(狂牧之)

詩寒香一樹梅

按唐人水多言分如八水分流橫地軸二水中分白鷺洲是也

張如哉曰此首與二泉亭詩俱非梅村極筆當是自便耳觀原目無來鶴一首而二泉亭詩明係戊申年作編次誤在前可見

吳詩集覽

卷十四下

三



荷... 文... 中... 小... 蘇... 大... 美... 五... 前... 可... 良... 風... 巨... 處... 試... 目... 無... 來... 鶴... 一... 首... 而... 二... 泉... 亭... 行... 刪... 去... 而... 刻... 成... 後... 後... 人... 續... 增... 於... 此... 卷... 之... 未... 趁... 木... 板... 之... 便... 耳... 觀... 原... 目... 無... 來... 鶴... 一... 首... 而... 二... 泉... 亭... 詩... 明... 係... 戊... 申... 年... 作... 編... 次... 誤... 在... 前... 可... 見...

